



新刊監本冊府元龜卷第一百九十六

閏位部一十五

建都 封建 勤政 誠勵

建都

先王之制封畿建都邑必即土中而為民極目秦據勢勝宅於咸雍固河踐華遂吞六國蜀專西河之利而國啟都成吳孫石頭之固而定居建業宋齊四代不承晉緒南門石民載祀三百東魏遷鄴高齊是繼朱梁革命浚郊攸宅皆辨正方位經營卜策作都制畿保姓傳祚至若孫氏之始肇基於武昌梁德之季改卜於荆渚亦著於篇云

秦始皇帝初為秦王都咸陽

陽今京兆府是自秦孝王作為咸陽築萬闕事具列國君部建國

門

二十六年徙天下豪富於咸陽十二萬戶諸廟及章臺上林皆在渭南秦每破諸侯寫於宮室作之咸陽北阪上在長安西北漢武時別名渭南臨渭自雍門在高陵縣以東至涇渭殿屋複道周閣相屬所得

諸侯美人鐘鼓以充入之

二十七年作信宮渭南已更命信宮為極廟象天極自極廟道

通鄠山作甘泉前殿築甬道築垣墻如街巷自咸陽屬之是歲賜爵一

級治馳道馳道天子道也若今之中道然漢書賈山傳曰秦為觀畢至道廣五十步三大而樹厚築其外隱以金堆樹以青松

三十五年除道道九原地理志五原縣抵雲陽九原通甘泉道塹

山堙谷直通之始皇以為咸陽人多先王之宮庭小吾聞周文

王都豐武王都鎬豐鎬之間帝王之都也乃營作朝宮渭南上

林苑中先作前殿阿房東西五百步南北五十丈上可以坐萬

人下可以建五丈旗周馳為閣道自殿下直抵南山表南山之

顛以為闕為複道自阿房渡渭屬之咸陽以象天極閣道絕漢

抵營室也阿房宮未成欲更擇令名名之作宮阿房故天下謂

之阿房宮隱宮徒刑者七十餘萬人乃作阿房宮或作鄠山發

北山石椁乃寫蜀荆地材皆至關中計宮三百闕外四百餘於

是立石東海上胸界中以為秦東門因徙三萬家鄠邑五萬家

雲陽皆復不事十歲

二世元年十二月就阿房宮

蜀先主以漢獻帝建安十九年降劉璋於成都自領益州牧二

十六年卽皇帝位都成都先是諸葛亮謂先主曰荊州北據漢
沔利盡南海東連吳會西通巴蜀此用武之國益州險塞沃野
千里天府之士高祖因之以成帝業將軍既帝室之胄若跨有
荊益保其崑阻西和諸戎南撫夷越結好孫權內修政理天下
有變則命一上將將荊州之軍以向宛雒將以率益州之衆
出於秦川百姓孰敢不箠食壺醬以迎將軍者乎先主從之
吳大帝以後漢獻帝建安六年為會稽太守屯吳使丞相之辟
十六年從治秣陵初張紘謂帝曰秣陵楚武王所置名為金陵
地勢岡阜連石頭訪問故老云昔秦始皇東巡會稽經此縣望
氣者云金陵地形有王者都邑之氣故掘斷連岡改名秣陵今
處所具存地有其氣天之所命宜為都邑帝善其議未能從也

後劉備之東宿為秣陵周觀地形亦勸都之帝曰智者意同遠
都焉

十七年城石頭改秣陵為建業

魏文帝黃初二年自公安都鄂改名武昌以武昌下雒尋陽陽
新蔡桑沙羨六縣為武昌郡八月城武昌

黃武二年正月城江夏山

黃龍元年九月遷都建業因故府不改館

赤烏八年遣較尉陳勳將屯田及作士三萬人鑿句容中道自
小其至雲陽西城通會市作卽閣

十年三月改作太初宮諸將及州郡皆義作殿元昌
後主甘露元年九月從西陵都步闡表徙都武昌御史大夫丁

固右將軍諸葛靚鎮建業
寶鼎元年十二月還都建業衛將軍滕叔留鎮武昌
二年六月起顯明宮十二月移居之

宋高祖受晉禪都建業

文帝元嘉二十年正月於臺城東西作萬春二秋二門

二十五年四月乙巳新作閭闔廣莫二門改先廣莫門曰承明

開陽門曰津陽

孝武帝孝建元年正月起正光殿

大明三年以揚州所統六郡為王畿以東揚州為揚州

四年四月以南琅邪隸王畿

五年初立馳道自閭闔至於朱雀門又自承明至於玄武湖

六年新作大航門

前廢帝景和元年以石頭城為長樂宮東府城為未央宮罷東

揚州并州以北即為建章宮南第為長楊宮又以王畿諸郡為

揚州以揚州為東揚州

南齊太祖受宋禪都於建業建元二年五月立六門都牆宋世

門設竹籬帝即位有發白虎樽者言白門三重開竹籬穿不完
帝感其言故立都牆王儉諫之帝曰吾故令後世無已加也

梁高祖受齊禪都建業

天監六年九月改閱武堂為德陽堂聽訟堂為儀賢堂

七年正月作神龍仁獸闕於端門大司馬門外

二月新作國門於越城南

九年正月新作綠淮塘北岸起石頭迄東泊南岸起後渚籬門

室之言豈宜顯之于衆知其計之不用也於是不復言
敬帝太平元年十一月起雲龍神獸門
後梁宣帝初為南雍州刺史稱藩于後魏時周太祖為丞相命
帝為梁王帝乃於襄陽置百官承制封拜太祖令柱國于謹伐
江陵帝以兵會之及江陵平太祖立帝為梁王若江陵東城資
以江陵一州之地其襄陽所統盡歸于魏帝乃稱皇帝于其國
其慶賞刑政官方制度並同王者唯上疏則稱臣奉西魏正朔
陳高祖受梁禪都建業

永定二年七月起太極殿初景物之平也火焚太極殿承聖中
議欲營之獨殿一柱至是有樟木大十八圍長四丈五尺流泊
陶家後主監軍鄒子度以聞詔中書令沈衆兼起部尚書少府

卿蔡儔兼將作大匠起太極殿

文帝天嘉五年九月城西城

六年九月新作大航

宣帝太建四年十二月丁卯詔曰梁氏之季兵火薦臻承筆焚
蕩頓無遺構寶命惟新將近二紀頻事戎旅未遑脩繕今工役
差闕椽楹有擬來歲開肇創築東宮可權置起部尚書將作大
匠用主監作

七年六月己酉改作雲龍神虎門

九年十二月戊申東宮成皇太子移於新宮

後主末年起齊雲宮國人歌曰齊雲宮現來無際畔

東魏孝靜帝天平元年十月即位於維城之東是月車駕北遷

於鄴詔齊獻武王高歡留後部分改司州為雒州以尚書令元
弼為儀同三司雒州刺史鎮雒陽十一月車駕至鄴居北城相
州之廨改相州刺史為司州牧魏郡太守為魏尹從鄴回徑百
里以居新遷人分鄴置臨漳縣以魏郡林慮廣平陽丘汲郡黎
陽東濮陽清河廣宗等郡為皇畿起部郎中辛行奏曰今皇居
徙御百度創始營構一興必宜中制上則憲章前代下則模寫
雒京今鄴都雖曰基址毀滅又圖記參差事宜審定臣雖膺職
司學不稽古國家大事非敢專之通直散騎賞侍李業興碩學
通儒博聞多識萬門千戶所宜放詢今求就之披圖按記考定
是非恭古雜今折中為制召畫工并所須調度具造新圖申奏
既定庶經始之日執事無疑詔從之

二年八月發衆七萬六千人營新宮

興和元年九月發畿內十萬人城鄴四十日方罷

北齊文宣帝受東魏禪都鄴

天保二年改顯陽殿為昭陽殿起宣光建始嘉福仁壽諸殿又
脩廣三臺宮殿

七年詔造金華殿時高隆之為尚書右僕射領營構大將軍京
邑製造莫不繇之增築南城周回二十五里以漳水近於帝城
起長堤以防汎溢之患又鑿渠引漳水周流城郭造水冶碾磴
並有利於時

九年八月發丁匠三十餘萬營三臺於鄴下因其曰基而高博
之大起宮室及游豫園至是三臺成改銅爵曰金鳳金獸曰聖

應水井曰崇光
後主天統三年十二月起晉陽大明殿
武平二年七月詔營耶那宮

梁太祖開平元年四月受唐禪都汴詔曰古者興王之地受命之邦集大勳有異庶方需慶澤所宜加等故豐沛著起祚之美襄鄧有建都之榮用壯洪基且旌故里爰遵令典先示殊恩宜升汴州為開封府建名東都其東都改為西都仍廢京兆府為雍州刺史佐國軍節度使是月制宮殿門及都門名額正殿為崇元殿東殿為玄德殿內殿為金祥殿萬歲堂為萬歲殿門如殿名大內正門為元化門皇城南門為建國門滴漏門為啓運門下馬門為升龍門玄德殿前門為宗明門正殿東門為鳥金

門西門為王兔門正衙東門崇禮為門東偏門為銀臺門宴堂門為德陽門天王門為賓天門皇城東門為寬仁門後儀門為厚載門皇城西門為神獸門望京門為金鳳門宋門為觀化門尉氏門為高明門鄭門為開明門梁門為乾象門酸棗門為興和門封丘門為含耀門曹門為建陽門皋開封後儀為赤縣尉氏封丘雍丘陳留為幾縣
五月改文思院為軋文院同和院改為佐鸞院以西都水北宅為大昌宮
六月以西都徽安門北路逼近大內宮垣兼非民便金移自榆林直趣端門之南
二年七月甲午以高明門外繁臺為講武臺是臺西漢梁孝王

之時賞按歌閱樂於此當時因名曰吹臺其後有繁氏居於其側里人乃以姓呼之時代綿寢雖官吏亦從俗焉帝每登眺寇乘訓戎宰臣以是事奏而名之大內宮殿非是則金殿自稱三年正月改西京貞觀殿為文明殿含元殿為朝元殿

二月改思政殿為金鑾殿勅東都曰自昇州作府建邑為都未廣邦畿頗虧國體其以滑州酸棗縣長垣縣鄭州中牟縣陽武縣宋州襄邑縣曹州戴邑縣許州扶溝鄆陵縣陳州太康縣等九縣宜並割屬開封府仍昇為畿縣

七月改章善門為左右銀臺門其左右銀臺門却改為左右興善門

十一月初改軋文院為文思院行從殿為興宅殿毬場為安毬場又改弓箭庫殿為宣武殿

封建

草昧建侯義揚之教顯武成分土周書之制存皆所以懋德疇庸藩屏王室自運衰典午祚啓餘分何賞不錫壤開封報功懷遠梁承唐弊方夏不賓恩極於誓何寵踰於賜履務豐姑息之意非復封建之規名器假人於斯為甚五等之爵蓋其賞制絲是畧而勿論一字之封茲為殊典聊用存而重誠

宋順帝昇平二年立故武昌太守劉琨息頌為南豐縣王

梁高祖普通六年正月魏徐州刺史元法僧以彭城來降授司空封始安郡王二月改封宋王時魏宗正卿元樹以爾朱榮亂歸國封為鄴王

大清元年魏大將軍侯景降請元氏戚屬願奉為王詔封元貞
為咸陽王以天子禮遣還北景敗而反王暕元暕封元貞
東魏孝清帝武定七年正月梁北徐州刺史蕭正表以鎮內附
封蘭陵郡公吳王郡
北齊文宣帝天保元年即位詔封功臣高隆之為平原王庫狄
干為章武王斛律金為咸陽王賀拔仁為安定王韓軌為安德
王爾朱渾道元為扶風王彭樂為陳留王司空公潘相樂為東
平王
五年八月武衛將軍長樂郡公段韶降梁將東方白額執而斬
之并其諸弟等傳首京師江淮帖然民皆安輯帝嘉其功詔賞
吳口七十人封平原郡王

七年正月封司空侯莫陳相為白水郡王

十年正月大尉長樂郡公尉祭肆州刺史濮陽公婁仲遠並進
爵為王

孝昭帝皇建元年封瀛州刺史婁猷為安東王

武成帝封婁定遠為臨淮郡王

後主天統五年四月封開府城陽郡公慕容儼為義安王

武平二年九月左丞相平原王段韶病篤詔封其子深濟北王
以尉其意

梁太祖開平元年四月即位制武安軍節度使馬殷進封楚王
五月進封河南尹兼河陽節度使張全義為魏王兩浙節度使
錢鏐進封吳越王

二年五月封義昌軍節度使劉守文加中書令封大彭王盧龍
軍節度使劉守光封河澗郡王許州節度使馮行襲封長樂王
三年三月進封朔方節度使潁川郡公韓遜為潁川郡王
四月制易定節度使王處直進封平王福建節度使王審知封
閩王廣州節度使劉隱封南平王同州節度使劉知俊封大彭
郡王山南東道節度使揚師厚封弘農郡王
七月進封幽州節度使河澗郡王劉守光為燕王

乾化元年五月制封延州節度使高萬興為渤海郡王
七年封保義節度使王壇為琅邪郡王

末帝以乾化三年二月即位尋以太子太師致仕葛從周為潞
州節度使封陳留郡王

三月制進封天雄軍節度使弘農郡王楊師厚為鄴王夏州節
度使李仁福封隴西郡王

貞明元年二月進封延州節度使渤海郡王高萬興為渤海王
六年四月進封延安王

勤政

夫君人者惟政是務為政者惟勤是治故傳曰文王猶勤况寡
德乎若乃據有疆宇抗行正統苟或逸豫靡戒憂勞是忘既法
制之固脩豈民心而可固則有鷄鳴廢寢日昃視朝量書有程
投籤自警雖簿領之細躬加受奏獄訟之繁親為臨決勞精靡
倦總攬不遺故得下情上通庶事無壅保安之道諒在茲乎垂
諸信書煥然可則

秦始皇在位天下之事無大小皆決於帝至以衡石量書石二

十日直有程不中程不得休息事無遺於外之直於五

吳大帝親斷諸縣倉庫及囚繫長丞皆見呂岱守吳丞處法應

問甚稱帝意召署錄事因問其狀曰吳縣錄事書

宋高祖永初元年十二月剡車駕臨延賢堂聽訟

二年四月又於華林園聽訟

五月己酉甲戌又幸華林園聽訟

六月壬寅又於華林園聽訟

八月壬辰又於華林園聽訟

十月癸卯於延賢堂聽訟

文帝元嘉三年五月丙午臨延賢堂聽訟

六月丙寅又於延賢堂聽訟丙子又聽訟

五年十月甲辰於延賢堂聽訟

八年三月甲申於延賢堂聽訟

孝武以元嘉三十年四月即位冬十月癸未車駕於闕武堂聽

訟

孝建三年二月始制朔望臨西堂接群下受奏事

六月於華林園聽訟

大明元年五月癸酉於華林園聽訟自是非巡狩軍役則車駕

歲三臨訊

八月壬寅於林園聽訟

十月庚申詔曰旒纒之道有孚於結繩日昃之勤已切於姬始

况世弊教殘歲月澆季朕雖戮力寓內未明求水而識狹前王
務廣昔代承言菲德其愧良深朝咨野怨自達者寡惠民利公
所昧實衆自今百辟庶尹下民賤隸有懷誠抱志擁鬱衡閭失
理負謗未聞朝聽者皆聽躬自申奏小大以聞朕因聽政之日
親對覽焉

十二月戊戌於華林園聽訟

二年三月丁卯於華林園聽訟

九月癸卯於華林園聽訟

閏十二月庚申於華林園聽訟

三年四月癸卯於華林園聽訟

九月乙巳詔曰自今囚至辭具并即以聞朕當悉詳斷庶無留

獄

十二月戊午於華林園聽訟

四年五月庚辰於華林園聽訟

九月甲申於華林園聽訟

十二月乙未於華林園聽訟

五年五月丙辰幸閱武堂聽訟

七年二月幸南豫州帝於行所訊深陽永世丹陽縣囚

八月幸建康秣陵縣詳獄囚

九月車駕幸廷尉訊獄囚

十月行幸江寧縣訊獄囚

十一月車駕習水軍於梁山原放行獄徒繫

明帝泰始五年三月丙寅幸中堂聽訟
六年十月己酉幸東堂聽訟

後廢帝元徽三年四月丙戌車駕幸中堂聽訟

南齊太祖建元二年十二月乙巳車駕幸中堂聽訟武帝永明

二年六月癸卯車駕幸中堂聽訟

三年七月詔丹陽所領及餘二百里內見囚同集京師自此以
外委州郡決斷

八月己未車駕幸中堂聽訟

明帝建武二年四月己亥詔三百里內獄訟同集京師尅日聽
覽

梁高祖微時知民疾苦逮踐皇極躬覽庶事日晏聽政求民之

瘼乃命輔軒以省方俗置肺石以達窮民務加隱恤舒其急病

每至冬月四更竟即張燭看事執筆觸寒手為軋裂紉女摘伏

洞盡物情賞有懷哀務泣涕然後可奏日止一食膳無鮮腓唯

豆羹麤糲陳高祖以永定元年十月即位其月戊寅輿駕幸華

林園親覽詞訟臨赦囚徒

二年三月乙卯帝幸後堂聽訟

三年六月癸卯帝疾小瘳臨訊獄訟

陳文帝天嘉元年八月癸未臨景陽殿聽訟帝每有王者奏決

妙識真偽一庭內刺聞取外事分判者前後相續每鷄人詞漏

傳更籤於殿中及刺送者必投籤於階石上令鎗然其声云吾

雖眠亦令人驚覺也

東魏孝靜帝天保四年六月己巳幸華林園理訟

元象元年六月壬辰帝幸華林園聽訟

武定元年三月帝親聽訟

北齊文宣天保六年三月戊戌臨昭陽殿聽獄決訟七年二月

辛未詔賞山王演等於涼風殿讀尚書奏按論定得失帝親決

之

廢帝乾明元年正月甲辰幸華林園親錄囚徒死罪以下降免

各有差

誠勵

伊訓曰儆予有位洪範云是懿是訓自昔哲王曷賞不誠勵厥

俗俾克繇禮敷言庶列國或曠官藹然令猷布於簡冊自漢鼎

既輕幅員分裂英雄崛起各據勢勝庇民主祀率先風教若夫

繼體承業貞邦作翰葛藟固本閨門篤愛是必勗以道義責成

寄任室其嗜好禁其驕縱至有肅奉軍志力扶義舉專宰牧之

任叅刑法之重分職聯事交脩庶務莫不順考古訓申明誠誥

以至臨遣諭旨督誨切至蓋御下之明畧垂世之隆範也

蜀先主遺詔後主曰勿以惡小而為之勿以善小而不為惟德

能服於人汝父德薄勿效之可讀漢書禮記閑段歷觀諸子及

六韜商君書益人意智聞丞相為馮申韓管子六韜一通已畢

未送道止可自更求聞達

後主時來敏為輔軍將軍坐事去職後為大長秋又免後累遷

光祿大夫復坐過黜前後數貶削皆以語言不節舉動違賞也

丹

後以敏為執慎將軍欲令以官重事自警戒也
吳大帝謂呂蒙及蔣欽曰卿今當塗掌事宜奈問以有聞益蒙
曰在軍中賞苦多務恐不容復讀書帝曰孤豈欲卿治經為博
士邪但當令涉獵見往事耳卿言多務孰若孤孤少時歷詩書
禮記左傳國語惟不讀易至統事以來省三史諸家兵書自以
為大有所益如卿二人意性朗悟奈必得之寧當不為乎宜急
讀孫子六韜左傳國語及三史孔子終言日不食終夜不寢以
思無益不如孝也光武當兵戈之務手不釋卷孟德亦自謂老
而好孝卿何獨不自勉勗和蒙始就孝篤志不倦經其所覽曰
儒不勝後曾肅上代周瑜過蒙言議賞欲受屈肅拊蒙背曰吾
謂大弟但有武畧耳至於今者孝識英博非復吳下阿蒙蒙曰
士別三日即便刮目相待大兄今論何一稱攘侯乎兄今代公
瑾既難為繼且與關羽為隣斯人長而好孝讀左傳畧皆上口
梗亮有雄氣然性頗自負好陵人今與為對當有單複以卿待
之密為肅陳三策肅故受之秘而不宣帝賞歎曰人長而進益
如呂蒙蔣欽蓋不可及也富貴榮顯更能折節好孝耽悅書傳
輕財尚義所行可述並作國士不亦休乎帝嘗下令諸將曰夫
存不忘亡安必慮危古之善教昔雋不疑漢之名臣於安平之
壺而刀劍不離於身蓋君子之於武備不可以已况今處身疆
畔豺狼交接而可輕脫不思變難哉頃聞諸將出入各尚謙約
不從兵甚非備慮愛身之謂夫保身遺名以安君親孰與危辱
宜深警戒務崇其大副孤意焉

建昌侯慮有才名時丞相顧雍等請開府假節大帝乃詔曰期
運擾亂凶邪肆虐威罰有序干戈不戢以慮氣志休懿武畧夙
昭必能為國佐定大業故授以上將之位顯以殊特之榮寵以
兵馬之勢委以偏方之任外歆威振敵虜厭難萬里內歆鎮撫
遠近慰恤將士誠慮建功立事竭命之秋也慮其內脩文德外
經武訓持盈若冲則滿而不溢敬慎乃心無忝所受宋高祖微
時有納布衫襖等衣皆是敬皇后手自作高祖既貴以此衣付
長女會稽公主曰後世若有驕奢不節者可以此衣示之永初
末高祖病甚召太子戒之又為手詔曰朝廷不須復有別府寧
相帶楊州可置甲士千人若大臣中任要宜有爪牙以備不祥
人者可以臺見隊給之有征討悉配以臺見軍隊行還復曰後

世若有幼主朝事一委宰相母后不須臨朝使既不入臺殿門
要重人可許給班劍

文帝時劉道濟為振武將軍益州刺史長史費謙別駕張熙參
軍楊德年等並聚斂興利而道濟委任之傷政害民民皆怨毒
帝聞之與道濟詔戒之曰聞卿在任未盡清省又頗殖貨若萬
一有比必宜改之比傳人情不甚緝諧當以法御下深思自警
以副本望衡山王義季為荊州刺史素嗜酒自彭城王義康廢
後為長夜之飲畧少醒日文帝累加詰責義季引愆陳謝帝詔
報之曰誰能無過改之為貴耳此非唯傷事業亦自損性命世
中比比皆其所諳近長沙兄弟皆緣此致物故將軍蘇微耽酒
成疾旦夕待盡吾誠禁斷并藥膳至今休然此自是可節之物

但嗜者不能立志裁割耳晉元帝仁主尚能感王導之諫終身
不復飲酒汝既有美尚加以吾意殷勤何至不能慨然深自勉
勵乃復嚴相割截生諸紛紜然後少止者幸可不至此一門無
此酣酒汝於何得之臨書歎塞義季雖奉此旨酣縱如初遂以
成疾帝又詔之曰汝飲積食少而素羸多風賞慮至此今果委
頓縱不能以家國為懷近不復顧性命之重可歎可恨豈復一
條本能望以礼自厲未欲相若耳今遣孫道齋就楊佛寺令辰
夕視汝并進止湯食可開懷虛受慎勿隱避吾飽賞見人斷酒
無他嫌汝蓋是當時耳嗜固已之意耳今者憂但正在性命未
段及美業復何為令吾煎毒至此耶義季終不改以至於終

世故又

江夏王義恭雖涉獵文義而驕奢不節既出鎮江陵文帝戒之
曰汝弱冠便親方任天下艱難國家事重雖曰守成實亦未易
隆替安危在吾曹耳豈可不感尋王業大懼負何今既分張言
集無日無繇復得動相規誨宜深自砥礪思而後行聞布誠心
厝懷平當親礼國士交接佳流識別賢愚鑒察邪正然後能盡
君子之心收小人之力汝神意爽悟有日新之美而進德修業
未有可稱吾所以恨之而不能已已者也汝性褊急袁太妃亦
說如此性之所滯其款必行意所不存從物回改此最弊事宜
應慨然立志念自裁抑何至丈夫方款贊世成名而無斷者哉
今粗疏十數事汝別時可省之遠大者豈可具言細碎復非筆
可盡礼賢下士圣人垂訓驕侈矜尚先哲所去豁達大度漢祖

之德循忌褊急魏武之累漢書稱衛青將軍遇士大夫以禮與
小人有恩西門安於矯性齊美閔羽張飛任偏同弊行已舉事
深宜鑒此若事異今日嗣子幼蒙司徒便當周公之事臣欽若

即義恭兄弟
彭城王義康也

汝不可不盡祇順理苟有所慙自密書陳若形

迹之間深宜慎護至於爾時安危天下決汝二人耳勿忘吾言
今既進表大如供給計足充諸用此外一不須復有求取近亦
具此意唯脫應大餉致而當時遇有所乏汝自可少多供奉耳
汝一月日自用不可過三年萬若能省此益美西楚殷曠賞宜
早起接對賓侶勿使留滯判急務訖然後可入問訊既覩顏色
審起居便應即出不須久停以廢庶事也下曰及夜自有餘閑
府舍住止園池臺觀畧所諳究計當無須改作司徒亦云爾若

脫於左右之宜須小小回易當以始至一治為限不須紛紜日
求新異凡訊獄多決當時難可逆慮此實為難汝復不習殊當
有次第訊前一二日取訊簿密與劉湛輩共詳大不同也至訊
日虛恠博盡慎無以喜怒加人能擇善者而從之美自但已不
可專意自決以矜獨斷之明也萬一如此必有大却非唯訊獄
君子用心自不應爾刑獄不可擁滯一月可再訊凡事皆應慎
密亦宜豫勅左右人有至誠所陳不可漏泄以負忠信之款也
古人言君不密則失臣臣不密則失身或相讒構勿輕信受每
有此事當善察之名器深宜慎惜不可妄以假人昵近爵賜尤
應裁量吾於左右雖為少恩如聞外論不以為非也以貴凌物
物不服以威加人人不厭此易達事耳声乐嬉游不宜令過蒲

酒渙獵一切勿為供用奉身皆有節度奇服異器不宜與長汝
嬪侍左右已有教人既始至西未可忿忿復有所納又戒之曰
宜數引見佐史非唯臣主自應相見不數則彼我不親不親則
無因得盡人人不盡復何繇知其衆事廣引視聽既益開博於
言事者又差有地也乃以刘湛為撫軍長史行府州事義恭性
甚狷隘年又漸長欲專政事每為湛所裁主佐之間嫌隙遂構
文帝聞之密遣使詰讓義恭拜使深加諧緝義恭具陳湛無居
下之礼又自以年長未得行意雖奉詔旨頗有怨言上友于素
篤欲加酬順乃詔之曰事至於此甚為可歎當今之才委授已
爾宜盡相彌縫取其可取棄其可棄汝疏云泯然無際如此甚
佳彼猜不可令萬一竟也汝年已長漸更事物且羣情矚望不

以幼昧相期何繇故如十歲時動止諮問但當今所專必是小
事耳亦恐量此輕重未必是得彼之疑怨兼或繇此耶

南郡王義宣當為荊州文帝以其人才素短不堪居上流而會
稽公主每以為言帝遲回久之元嘉二十一年乃以義宣都督
荆雍益梁寧北秦等州諸軍事車騎將軍荊州刺史持節賞侍
如故先賜中詔曰師護以左西久比表求還出內左右自是經
國賞理亦何必其應於一徃今欲聽許以汝代之師護雖無殊
績潔已節用通愜期物不恣羣下此信承湯非唯声著西土朝
野以為美談在彼已有次第為士庶所安論者乃謂未議遺之
今之廻換更在歆為汝耳汝與師護年時一輩各有其義萬物
之議亦互有少劣若今向事一脫減之者既於西夏交有巨擬

遷代之譏必但責於吾矣復當為師護怨非但一誚而已也如此則公私俱損為不可不先共善詳此事亦易勉耳無為使人動生許論也師護義季小字也義宣至鎮勅自課屬政事脩理孝武帝時大子子業幼而猶急在東宮每為帝所責帝乃巡子業啓參承起居書迹不謹帝詰讓之子業啓事陳謝帝又答曰書不長進此是一條耳聞汝素都懈怠猶戾日甚何以頑固乃爾邪

張永為廷尉孝武謂之曰卿既與釋之同姓款使下下須無冤民

明帝時永嘉王子仁為湘州刺史帝遣主書趙扶公宣旨於子仁曰汝一家門戶不建幾覆社稷天未亡宋景命集我上流迷

遇相扇四海同惡若非我修德御天下三祖基業一朝墜地汝輩便應淪於異族之手我昔兄弟近二十人零落相繼存者無幾唯司徒年長令德作輔皇家臣欽若等曰司徒即明帝弟始安王休仁也門戶所憑唯我與司徒二人而已尚未能厭百姓姦心餘諸王亦未堪贊治我唯有太子一人司徒世子年又幼弱桂陽巴陵並未有繼體正賴汝輩兄弟相倚為強庶使天下不敢闕覘王室汝輩始十餘歲裁知俛仰當今諸舍細弱殆不免人輕凌若我非為王刘氏不辨今日汝諸兄弟冲眇為羣凶所逼我遂與百姓還圖骨肉於汝在心不能無愧即日四海就寧恩化方始方今處汝湘洲汝年漸長足知善惡當每思刻厲奉朝廷為心爵秩自然與年俱進我垂猶子之情著於萬物汝亦當知好憶我勅旨

南齊大祖時淮北四川起義帝使輔國將軍周山圖有淮入清
倍道應赴勅山圖曰卿當盡相師馭理每存全重天下事唯同
心力山岳可摧然用兵當使背後無憂慮若後冷然無懼未處
閉目痛打無不摧碎吾正應鑄金待卿成勲耳若藉此卒四
州非丈夫也努力自運勿令他人得上功會義衆已為虜所沒
山圖拔三石峯還淮陰及武皇帝踐阼轉黃門郎領羽林四廂
直衛山圖於新林立墅舍晨往還帝謂之曰卿罷萬人都督
而卿行郊外自今往墅可以伏身自隨以備不虞

武帝時晉安王子懋為征北將軍雍州刺史帝勅以邊畧曰吾
比連得諸處啓所說不異及必無敢送死理然為其備不可整
懈今秋大羊皆越逸者其亡滅之徵吾今亦密行募集須有分

明旨的便當處分今晉勅鎮守並部民丁有事即便應接運已
勅更遣想行有至者汝共諸人量覓可使數人往南陽舞陰諸
要處叅覘糧食最為根本更不要人伏賞行視驛亭馬不可有
廢闕并約語彼諸州當其界皆爾不如法即問事又曰吾勅荆
郢二鎮各作五千人陣本擬應接彼耳賊若送死者即便呼取
之已勅子真與繼宗殷公愨至鎮可以公愨為城主三千人配
之便是汝可好以階級在意勿得人求或超三五階級文章詩
筆乃是佳事然世務彌為根本可賞憶之汝所啓伏此悉是吾
左右御仗也云何得用之品格不可乖吾有當優量覓送
梁高祖時劉孝綽為太子舍人俄以本官兼尚書水部郎奉啓
陳謝手勅荅曰羨錦未可便製簿領亦宜稍習頃之即真

蕭子恪為司徒左長史與弟子範等賞因事入謝高祖在文德
殿引見之從容謂曰我與卿兄弟有言天下之寶本是公器非
可力德為無期運雖有項籍之力不能如何所以班彪王命論
云所求不過一金然終轉死溝壑卿不應不讀此書宗武孝性
猜忌兄弟粗有令名者無不因事鳩毒所遺唯景和其餘朝臣
之中中或疑有天命而致害者枉濫相繼然而被疑或不知有
天命而不疑者于時雖疑卿祖而不能如何是疑而不得又有
不疑者如曠明帝本為庸賞被免豈疑而得全又復我于時已
年二歲彼豈知我應有今日當知有天命者非人所害害亦不
得能我初不建康城朝廷內外皆勸我云時代革異物心須一
宜行處分我依時依此而得誰謂不可我正言江左以來代謝

必相誅戮此是傷於和氣所以國祚例不靈長所謂殷鑒不遠
在夏后之世此是一義二者齊梁雖曰革代義異徃時我與卿
之兄弟雖腹絕服二世宗屬未遠卿勿言兄弟是親人家兄弟
自有周旋者何翹旋者何况五服之屬和我與卿兄弟便是情
同一家豈當都不念此作行路事此是二義我有今日非是本
意所求且建武屠滅御門致卿兄弟塗炭我起義兵非唯自雪
門耻亦是為卿兄弟報仇卿若能在建武永元之世撥亂反正
我雖起樊鄧豈得不釋戈推奉其雖欲不已亦是師出無名我
今為卿報仇且時代革異望卿兄弟盡節報我耳且藉喪亂代
明帝家天下耳不取卿家天下昔劉子輿自稱成帝子光武言
假使成帝更生天下亦不復何況子輿乎梁初人勸我相誅滅

者我答之猶如向孝武時事彼若苟有天命非我能殺若其無
運何急行此正足示無度量曹志親是魏武帝孫陳思之子事
晉武能為晉室忠臣此即卿事例卿是宗室情義異他亦坦然
相卿期無復懷自外之意小待自當知我心又文獻王時內
齊直帳人趙叔祖天監初入於臺齊帥在壽光省高祖呼叔
祖曰我本識汝在北第以汝曰人故每驅使汝比見北第諸郎
不叔祖奉答云比多在直出外甚踈假使暫出亦不能得往高
祖曰若見北第諸郎道我此意我今日雖是革命情同一家但
今盤石未立所以得用諸郎者非唯在我未宜亦是欲使諸郎
得安耳但閉門高枕後自當見我心叔祖即出外且宣勅語子
恪尋出為永嘉太守

陳後主至德二年十月詔曰左事百官辨斷庶務必取平允無
得挾公害民為己聲績妨紊政道

北齊文襄為東魏丞相劉時偉為睢州刺史文襄降書褒獎云
以卿家世忠親奕代冠冕賢弟賢子並與吾共事恆抱相托亦
自依然宜勗心力以副所委莫慮不富貴

文宣帝時清河王岳子勵除青州刺史帝戒之曰叔父前收青
州甚有遺惠故遺汝尉彼黎庶宜好用心無墜聲績勵流涕曰
臣以蒙幼濫叨拔擢雖竭庸短懼忝先政帝曰汝既能有此言
吾不慮也

梁太祖乾化二年五月詔曰共理庶民是資牧宰克勤厥職必
選端良儻狗私以滅公則興災而斂怨豈遵條教實蠹風猷其

所在長吏不得因緣差役分外誅求律令所施典刑具在寧容
殘忍合務哀矜宜令所在長吏不得淫刑酷法須臻有道免致
無辜

新刊監本冊府元龜卷之一百九十六
新刊監本冊府元龜卷之一百九十七

新刊監本冊府元龜卷之一百九十七

閏位部

朝會 宴會 慶賜 納貢獻

朝會

朝會者禮之經也嬴秦罷候守不越境歲時班制又匪經見吳
蜀而下時時作事之細者史或失傳至於聲名文物表著明
數存諸類例此不復陳沿革在斯粗可綱舉儷于大國誠則多
慙君彼一隅斯亦為政云爾

吳景帝永安元年十二月戊辰賜百僚朝賀

宋文帝元嘉三年正月乙亥朔會群臣於大極前殿

明帝秦始二年正月己丑朔以軍事不朝會

南齊武帝永明六年十月庚申立冬初臨太極殿讀時令
梁太祖開平元年十月癸酉御史司憲薛廷珪奏請文武百官
仍舊朝參先是帝欲親征北虜命朝臣先赴維都至是緩其期
乃允所奏宰臣請每月初八閣望日延英聽政永為常式
二年正月癸酉帝御金祥殿受宰臣文武百官及諸藩屏陪臣
稱賀諸道貢舉一百五十七人見于崇元門
三年正月戊辰朔帝御金祥殿受宰臣翰林學士稱賀文武百
官拜表于東上閣門

八月甲午敕朕以干戈尚熾華夏未寧宜循卑菲之言用致雍
熙之化起八月一日常朝不御金鑾崇勳兩殿只於便殿聽政
四年正月壬辰朔帝御朝元殿受百官稱賀用禮樂也

十一月己亥日南至帝被袞冕御朝元殿列細仗奏樂於庭群
臣稱賀

五年二月丙辰朔帝御文明殿群臣入閣

乾化元年九月辛巳朔帝御文明殿群臣入閣刑法待制官各
奏事

十月乙未帝御朝元門以回鶻吐蕃二大國首領入覲故也

宴會

先王制合宴之禮著序賓之訓所以申飲賜之嘉好勸群臣之
盡心詩之鹿鳴湛露所為作也自嬴秦劉蜀以迄江左魏齊傳
禫逮于朱梁曷常不乘時展豫置酒高會或歷覽故邑或翱翔
池禦班觴於講禮之隙宿設於考室之際因嘉慶以合飲議勳

賞而舍爵征行所次慰勞所及於是厚陪鼎之數舉酬獎之制賦詩以道其意既醉以畢其歡皆以考經義而稽古推慈惠而逮下者也

秦始皇三十四年置酒咸陽宮博士七十人前為壽蜀先主初入蜀於涪大會置酒作樂

吳大帝初為吳王歡宴之末自起行酒又嘗大會群臣後蜀使至羣臣並會

後主每享宴無不竟日

宋文帝元嘉四年三月宴丹徒宮帝鄉父老咸與焉

二十六年宴于丹徒宮

南齊太祖建元元年九月戊申幸宣武堂宴會詔諸王公以下

賦詩

二年三月己亥幸樂遊苑宴會王公以下賦詩

武帝永明二年七月詔曰夫樂所自生先哲垂誥礼不忘本積

代同風是以漢明遲回於南陽魏文珍勤於譙國青溪宮體天

含輝則地栖寶光定靈源允集符命在昔期運初開經綸方遠

繕築之勞我則未暇時流事往永惟哽咽以寡薄嗣奉鴻基思

存締構或表王迹考星創制揆日興功子來告畢規模昭構宜

申宴樂之禮以暢感慰之懷可尅日小會八月丙午車駕幸舊

宮小會設金石樂在位者賦詩

四年正月以藉田禮畢幸閱武堂勞酒小會詔賜王公以下在

位者帛有差

五年正月戊子幸芳林園禊飲戊申車駕幸芳林園宴
九月詔九日出商飈館登高宴群臣辛卯車駕商飈館是館帝
所立在孫陵崗世呼為九日堂

十二月戊子太子長子鬱林王昭業冠于東宮崇政殿其日小
會賜王公以下帛各有差時日與此七本古畢與其語
東昏侯永元二年六月寅車駕幸於樂遊苑內會如三元京
邑女人放觀實大史實歌大集存命古昔賦題味問臨臨
和帝中興元年五月車駕幸竹林寺禪房宴群臣青寒宮歸天
梁高祖大同十年三月庚戌幸迴賓亭宴帝鄉故老及所經近
縣奉迎候者少長數千人各賫錢二千下想詩
大清元年五月丁酉輿駕幸德陽堂宴群臣設絲竹樂

陳高祖永定二年十二月太極殿東堂宴群臣設金石之樂以
路寢告成也

宣帝大建七年閏九月甘露降樂遊苑丁未車駕幸樂遊苑採
甘露宴群臣詔於苑龍舟山立甘露亭

八年四月甲寅詔曰元戎凱旋群師振旅旌功策賞宜有饗宴
今月十七日幸樂遊苑設絲之樂大會文武

後主至德元年十二月辛丑釋奠于先師禮畢設金石之樂會
王公卿士

四年九月甲午輿駕幸玄武湖肆艦鱸閱武宴群臣賦詩

東魏孝靜帝天平三年七月癸卯朔饗群臣於前殿

北齊文宣帝天保元年七月詔曰古人鹿皮為衣書囊成帳有

懷盛德風流可想其魏朝御府所有珍竒襍綵嘗所不給人者徒為畜積宜命悉出送內後園以供七日宴賜九年十一月登三台御乾象殿宴群臣並命賦詩

梁太祖開平元年五月丙申御玄德殿宴搃諸軍使劉焯符道昭已下賜物有差是月青州許州定州三鎮節度使請開內宴各賜方物

六月戊寅幸乾元院宴召宰臣學士及諸道入貢陪臣

二年三月幸澤州辛巳以同州節度使劉知俊為潞州行營招討使壬午宴扈駕群臣并勞知俊賜以金帶戰袍宝劍茶葉四月丁未自澤州還至懷州宴宰臣文武百官

九月丁亥西幸陳州錫宴扈從官

十月乙巳御內殿宴宰臣扈從官共四十五人丙午御毬塲殿宣夾馬都指揮使尹皓韓塘以下將士五百人賜酒食康戎至西都御文思殿辛亥宰臣百寮起居於殿前遂宣赴內宴賜方物有差丁巳至東都壬戌御宣和殿宴宰臣文武百官

十一月辛亥御宣和殿宴宰臣文武百官以大駕還京故也庚辰御宣和殿宴宰臣文武百官乙未又宴宰臣百官於宣和殿三年正月甲午御文思殿宴群臣賜金帛有差

二月丁酉宴群臣於崇勳殿甲辰又宴羣臣於崇勳殿蓋藩臣進賀勉而從之

三月丙辰朔御崇勳殿視朝遂宴群臣

四月車駕在河中府己亥御前殿宴宰臣及冀北友謙扈從官

甲寅宴宰臣及扈從官于內殿

五月乙丑朔視朝遂命宰臣及文武百官宴于內殿己卯車駕

至西京癸未御崇勲殿宴宰臣及文武百官四品以上己丑復

御崇勲殿宴宰臣文武百官四品已上

九月甲午宴百官於崇勲殿丙辰御崇勲殿召韓建楊涉薛貽

矩趙光逢杜曉河南尹張宗奭襄州節度使楊師厚宣州節度

使王景仁等賜食賜宰臣銀鞍轡馬方物銀器細茶等庫辰御

崇勲殿宴宰臣及文武百官

四年正月壬寅幸保寧球場賜宴宰臣及文武百官二月戊辰

宴於金鑿殿甲戌以春時無事頻命宰臣及勳烈宴於河南府

池亭辛巳楊師厚赴鎮于陝寒食假諸道節度使即守勳臣競

以春服賀又連清明宴以鞍轡馬及金銀器羅綿進者追千萬

乃御宣威殿宴宰臣及文武官四品已上

三月壬辰幸崇政院宴勳臣己亥幸天驥院宴侍臣壬寅幸甘

水亭宴宰臣勳烈翰林學士辛亥宴宰臣於內殿丙辰於興安

球場大饗六軍樂春時也

四月乙丑宴崇政院帝在藩及踐祚勵精求理深戒逸樂未嘗

命堂上歌舞是日止令內妓昇階擊鼓弄曲甚懼至午而罷

七月壬子宴宰臣河南尹翰林學士丙街使于甘水亭丙辰宴

羣臣于宣威殿

八月丙征庫午次陝府辛未宴本府節度使楊師厚及扈從官

于行宮賜師厚帛千匹仍授西路行營招討使丙子宴文武從

官軍使已下設龜茲葑
九月甲午至西京乙卯宴會羣臣于宣威殿
十月己卯以新修天驥院開宴落成內外并獻馬而魏博進絹
四萬匹爲駟價
壬午以冬設禁軍幸興安鞠場召文武百官宴
十一月辛卯宴文武四品已上于宣威殿庚戌幸左龍虎軍宴
羣臣甲寅幸右龍虎軍宴群臣

十二月辛酉宴文武四品已上于宣威殿
五年三月丙申幸甘水亭召宰臣翰林學士尚書侍郎孔續已
下八下扈從宴樂甚歡戊戌幸右龍虎軍召文武官四品已上
宴於新殿甲辰幸左龍虎軍新殿宴文武官四品已上

四月丁卯幸龍虎門召宰臣學士金吾上將軍大將軍侍宴廣
化寺丁丑幸宣威殿宴文武官四品已上及軍使蕃客己卯又
幸左龍虎軍宴群臣

乾化元年五月甲申朔大赦改元宴於宣威殿壬辰宴河南戶
翰林學士軍使於宣威殿

八月癸亥詔宰臣文武百寮宴于河南府

九月己丑宴群臣於興安殿

十月幸相州癸亥令諸軍指揮使及四番將軍賜食於行宮之
外廡戊辰幸邑西之白龍潭潭水亘千許步南北五之一焉風
瀾折岸遼然有江湖之狀潭之北立神祠前亭宇弘敞下植波
際帝登臨凝覽宸旨舒悅即命丞相與翰林太學士侍膳于方

右又命魚鼈數十以釣網進觀獻馬與儼林以爲士皆謂之
十一月甲申至犂陽縣乙酉命從官丞相已下宴于行次
二年二月庚戌中和節御崇勳殿召丞相太學士河南尹略封
訖於萬春門外廡賜以酒食
是月庚申御宣威殿開宴丞相洎文武官屬咸被召列侍竟日
而罷

三月北巡還至貝州辛卯詔丞相翰林太學士文武從官都招
討使及諸軍統指揮使等賜食於行殿壬辰命以羊酒等各賜
從官已未次黎陽縣東都留守官吏奉表起居賜丞相從官酒
食有差己巳至東都博王友文以新創食殿上言并進准備內
安錢三千貫銀器一千五百兩辛未宴于食殿召丞相及文武

從官等侍焉

慶賜

傳曰行慶施惠罔有不當孟軻有言曰推恩足以保四海古之
令王何莫由茲道也自嬴氏力政并吞諸夏申詔爵之典弛羣
飲之禁逮氣王南紀時更五代元魏之季高齊嗣興莫不因事
以大賚昭德以行賞或進位以寵文武版授以尊者艾恤民之
隱則有穀帛之賜與人同樂則有牛酒之惠至于善人女子亦
以需及逮夫朱梁率由是矣其或折俎之宴有東帛之賚蓋代
木之詩所謂將其厚意者也

秦始皇二十五年五月天下大酺

周禮族師長春秋祭酺爲人
物突害之神陳留俗三月上

已貼水飲
食爲酺

二十六年更名民曰黔首大酺

二十七年賜爵一級

三十一年十二月更名鵬曰嘉平賜黔首里六石米二羊

三十六年徙民于北河榆中拜爵一級

吳大帝黃龍元年四月卽皇帝位是日將吏皆進爵加賞

景帝元永安年十一月紹位詔曰諸將吏奉迎陪位在永昌亭

者皆加位一級

宋高祖永初元年六月卽位改元大赦賜民爵二級鰥寡孤獨

不能自存者人各五斛

少帝景平元年正月己亥朔大赦改元文武進位二等

文帝卽位初文武賜位二等

元嘉六年三月立皇太子卽為皇子賜文武位一等十四年南

郊大赦文武賜位一等孤老六疾不能存者人賜各五斛

十七年十月大赦天下文武賜爵一級

二十四年春大赦文武賜位一等擊降宥諸逋負寬減各有差

孤老六疾不能自存者賜穀五斛

是年以林邑所獲金銀宝物班賚各有差

二十六年幸丹徒詔二千石官長並勤勞王務宜有沾錫

孝武孝建元年正月立皇子子業為皇太子賜天下為父後者

爵一級孝子順孫義夫節婦粟帛各有差七月大赦賜文武爵

一級

大明二年詔曰先帝靈命初吳龍飛西楚歲紀浸遠感往纏心

奉迎文武情深嘗隸思弘殊澤以申永懷吏身可賜爵一級軍戶免爲平民

三年七月大赦孝子順孫義夫卽賜差各有差大赦天下
四年車駕躬耕籍田大赦天下力田之民隨材叙用孝悌義順賜爵一級孤老貧疾人穀十斛籍田職司優沾重賚百姓之糧種隨宜貸給吏宜勸有章者詳加褒進

六年正月祠南郊大赦天下孝子順孫義夫卽婦賜爵一級慈姑節婦及孤老六疾賜帛五疋谷十斛
七年二月車駕巡南豫南充二州賜民爵一級女子百戶牛酒刺守邑宰及民夫從菟者普加沾賚又詔蠲歷陽郡租輸三年遣使巡慰問民疾苦鰥寡孤老六疾不能自存者厚賜粟帛

十月壬寅太子冠賜王公以下帛各有差
十二月行幸歷陽郡賜女子百戶牛酒高年孤疾賜帛十疋
前廢帝永光元年八月誅太宰江夏王義恭等改元景和文武賜位二等

景和元年皇子生少府劉勝之子也大赦天下賜爲父後者爵一級

明帝卽位初大赦天下改泰始元年賜民爵二級鰥寡孤獨不能自存者人穀五斛

二年既討平江郢荆雍湘五州六軍解嚴大赦天下賜民爵一

級
五年車駕躬耕籍田大赦天下賜力田爵一級

後廢帝元徽二年加元服大赦天下賜民男子爵一級爲父後及三老孝悌力田爵二級鰥寡孤獨篤癘不能自存者各五斛年八十以上加帛一疋大酺五日賜王公以下有差等是年江州刺史桂陽王休範舉兵反討平之詔京邑二縣埋藏所殺賊并戰死者復同京城是日解嚴大赦天下文武賜位一等

四年正月車駕躬耕籍田大赦天下賜力田爵一級順帝元徽五年七月卽位大赦天下賜文武位二等南齊太祖建元元年四月受禪大赦賜民爵二級文武位二等鰥寡孤獨不能自存者人各五斗六月詔諸將及客勳力艱難盡勤直衛其從還宮者普賜位一

階三日

武帝永明二年八月幸青宮領宮職司詳賜幣帛

四年閏正月辛亥籍田詔孝悌力田詳授爵位孤老貧窮賜谷十石甲寅幸閱武堂勞酒小會詔賜王公以下在位者帛各有

差

是年三月國子學講孝經車駕幸學賜國子祭酒博士助教絹

各有差

五年十一月戊子皇孫冠于東宮崇政殿其日小會賜王公已

下帛各有差

十一年四月立皇太孫詔賜天下爲父後者爵一級孝子順孫義夫節婦粟帛各有差

明帝建武元年立皇太子宝卷詔天下孝子順孫義夫節婦普加甄賜明揚表其衡閭賚以束帛
二年寢廟成詔監作長師可賜位一等後身遺假一年非役者蠲租同假

三年皇太子冠賜王公已下帛各有差為父後者賜爵一級

四年四月改元永泰文武加位二等

普通元年正月改元賜文武勞位孝弟力田爵一級尤貧之家

勿收嘗調鰥寡孤獨并加贍卹

三年八月辛酉作二郊及籍田并畢班賜工匠各有差

四年二月乙亥籍田詔孝弟力田賜爵一級預耕之司尅日勞

酒三日

大通元年正月辛未詔孝悌力田賜爵一等

中大通元年正月辛酉輿駕親祠南郊大赦天下孝悌力田賜

爵一級

三年七月乙亥立晉安王綱為皇太子大赦天下為父後者及

出處忠孝文武清勤并賜爵一級

五年正月辛卯輿駕親祠南郊大赦天下孝悌力田賜爵一級

六年二月癸亥輿駕親耕籍田大赦天下孝悌力田賜爵一級

大同三年正月辛丑輿駕親祠南郊大赦天下孝悌力田賜爵

一級

五年正月辛未輿駕親祠南郊詔孝悌力田及州閭鄉党稱孝

為善人者各賜爵一級並勒所屬即時騰上

十年三月駕幸蘭陵謁建至修陵壬寅詔故鄉老少接踵遠至情貌孜孜若歸於父宜有以慰其心此并可賜位一階并加頒賚內外從官軍主左右錢米各有差癸卯詔在園陵職司恭事勤勞并賜位一級并加沾賚是月幸迴賓亭宴帝鄉故故老及所經近縣奉迎候者少長數千人各賚錢二千田田中大通元年四月大赦改元孝悌力田為父後者賜爵一級賚宿衛文武各有差宿衛文武各有差大清元年四月丁亥輿駕自同秦寺還宮大赦改元孝悌力田為父後者賜爵一等在朝群臣宿衛文武并加班賚元年永聖元年十月即位大赦改元內外文武賜位一等太平元年九月壬子改元孝悌力田賜爵一級

陳高祖永定元年十月禪授大赦改元賜民爵二級文武二等鰥寡孤獨不能自存者人各五斛

文帝永定三年六月即位文武內外量加爵叙孝悌力田為父後者賜爵一級

九月立皇太子宗伯王公已下帛各有差

天嘉元年正月癸丑大赦改元孝悌力田殊行異等加爵一級辛丑輿駕祠南郊賜民爵一級

三年正月初祠南郊詔曰朕負荷寶國承迴星館兢兢業業庶幾治定而德化不孚俗弊茲甚永言念之無忘日夜陽和布氣昭事上玄躬奉牲玉誠兼饗敬思與黎元被斯寬惠可普賜民爵一級其孝悌力田別加優恤

七月己丑皇太子納妃王氏在位文武賜布各有差孝悌力田
為父後者賜爵二級
六年正月甲午皇太子加元服王公以下賜布各有差孝悌力
田為父後者賜爵一級鰥寡孤獨不能自存者人谷五斛

太康元年四月乙卯皇孫至澤生在位文武賜絹帛各有差為
父後者賜爵一級
廢帝光大元年正月大赦改元者悌力田賜爵一級七月戊申
立皇太子至澤為皇太子賜天下為父後者爵一級王公已下
賚帛各有差

宣帝大建元年正月甲午即位大赦改元在位文武賜爵一階
孝悌力田及為父後者賜爵一級異等殊才并加策序鰥寡孤
獨不能自存者人賜谷五斛

七年辛卯皇太子納妃王公已下賜帛有差
後主大建十四年正月丁巳即位大赦在位文武及孝悌力田
為父後者并賜爵一級鰥寡孤老不能自存者賜谷人五斛帛
二疋

四月丙子立永康公為皇太子賜天下為父後者爵一級王公
已下賚帛各有差
至德二年七月壬午太子加元服在位文武賜帛各有差孝悌
力田為父後者各賜爵一級鰥寡癯老不能自存者人穀五斛
東魏孝靜帝太平三年五月賜鰥寡孤獨貧窮者衣服各有差
興和元年十月以新宮成大赦改元八十以上賜綾帽及杖七

十已上賜帛及有廢疾者各賜粟帛
二年正月徙新宮大赦內外百官普進一級營構主將別優一
階田畝入封者各賜爵一階
北齊文宣帝天保元年五月受禪南郊禮畢大赦改元百官進
階男子賜爵鰥寡六疾義夫節婦旌賞有差

九年十一月以新宮成丁酉大赦內外文武並進一大級
廢帝天保十年十一月癸酉卽位大赦內外百官普加一級
孝昭帝皇建元年十一月立世子百年為太子賜天下為父後
者爵加一級
武成帝清河元年正月以子緯為皇太子大赦內外百官并加
進級諸為父者賜爵一級

後主天統三年二月帝加元服大赦九州職人各進四級內外
百官并進一級
武平元年六月以皇子生大赦內外百官并進二級九州職人
并進四級

梁太祖開平元年四月己未將受唐禪賜文武百官一百六十
人本色衣一副丁卯大酺賞賜有差

二年十二月戊子賜文武百官帛

三年正月賜南郊行事官儀禮使趙光逢已下分物甲午上御
文思殿宴群臣賜金帛有差甲申賜文武官帛有差命宣徽使
王殷押絹一萬疋并茵褥圖帚二百六十件賜張宗奭

四年正月壬寅幸保寧球場宴宰臣及文武百官賜宰臣張宗

庚巳下物有加賜廣王分物
七月丙辰宴群臣於宣威殿賜物有差
八月車駕西征次陝府丙子宴文武從官軍使已下設扈茲樂
賜物有差
五年三月丙申幸甘水亭召宰臣翰林學士尚書侍郎孔續已
下八人扈從安樂上甚勸賜物有差
四月丁卯幸龍門召宰臣學士金吾上將軍大將軍侍宴于廣
化寺賜物有差

乾化元年五月甲申朔大赦改元詔方伯州牧近未加恩者并
遷爵秩復大賚軍旅溥宴于宣威殿賜帛各有差

三年四月幸魏州之金波亭賜宰臣文武百官及太學士羊酒

有差

末帝龍德元年正月改元詔曰郊禋大禮舊有渥恩御殿改元
皆無賞給今則不循舊例別示特恩其行營將士賞賚已給付
本家宜令招討使霍彥威副招討使王彥章陳州行營都指揮
使張漢傑曉示諸軍知悉

納貢獻

天子制貢職所以均財用諸侯歸時事所以陳藝極式明上下
之序聿成經久之法昔漢室淪覆三國鼎峙孫劉而下據有江
吳北齊朱梁奄宅中土而皆懋宣法式寵綏遐邇故藩服之長
中外之臣莫不違時會之文修任土之貢亦有獻瑞而贊寶者
咸用論次焉

吳大帝漢建安末為吳侯安遠將軍領交趾太守士燮每遣使致禱香細葛輟以千數明珠大貝琉球翡翠玳瑁象犀之珍奇物異菓蕉柳龍眼之屬無歲不至燮弟合浦太守一時貢馬凡數百匹帝輒為書厚加寵賜以荅慰之

嘉禾元年十月魏遼東太守公孫淵遣使稱藩并獻貂馬帝大悅加淵爵位

宋明帝泰始四年二月丙申豫章望蔡獲古銅鍾高一尺七寸太守張辨以獻

南齊武帝永明五年益州刺史始興王鑑獻龍角一枝長九尺三寸紅色有文

六年七月齊郡太守劉元宝於郡城墜得錢三十七萬徑一寸

半以獻帝以為瑞班賜公卿

崔惠為南郡內史梁南秦二州刺史又為司州刺史惠景每罷州輒資獻奉勤數百萬武帝以此嘉之梁武帝大通初陶弘景獻二刀於高祖其一名嘉勝一名成勝拜為佳室

陳宣帝大建七年四月郢州獻瑞鍾

十二月南康郡獻瑞鍾

北齊文宣帝天保七年梁湘州刺史王琳獻馴象

梁太祖開平元年五月壬午保義軍節度使朱友謙進百官衣二百副其月廣州進奇室名樂品類甚多河南尹張全義進開平元年已前羨餘錢十萬貫紬六千疋綿三十萬兩仍請每年上供定額每歲貢絹三萬疋以為嘗式荆南高季昌進瑞搗數

十顆質狀百味倍勝嘗貢且摘當冬熟今方仲夏時人咸異其事因稱為瑞
十月廣州進獻助軍錢二十萬又進龍腦腰帶玳瑁珠枕玳瑁香
葉等
十一月廣州進貢龍形通犀腰帶金托裏含稜玳瑁器百餘副
香葯琢巧甚多

二年正月山州刘守文進海東鷹鷂蕃馬鴉屬方物九月福州
貢玳瑁琉璃犀象器并玳瑁玩香藥奇品海味色類良多累價千
萬
十一月諸道節度刺史各進賀冬田器鞍馬綾羅等
三年四月山州節度使刘守光進蕃中生異馬一匹鞍後毛長

五寸名為烏龍兩浙節度使錢鏐進睦州大茶三百一十籠洞
牙弩百枝桐木槍二千條賜進奉使紀君武銀帛有差是年冬
諸道度使刺史咸貢鞍馬銀絹羅綺賀正

四年五月自朔旦至癸巳内外以午日奉獻巨萬計馬三千蹄
餘稱是復相率助修内壘

七月福州貢方物獻桐皮扇廣州貢犀玉獻船上蔷薇水

十月己卯新修天驥院宴開落成内外并獻馬而魏博進絹四
萬疋以為駟價

乾化元年兩浙進大方二茶萬勛琢画宮衣五百副廣州貢犀
象奇珎及金銀等其估數千万安南兩使番後曲美進筒中蕉
五百疋龍腦鬱金各五瓶他海貨貨等有差又進南蠻通好金

器六物銀器十二并乾陀綾花緞越毼等襍繳奇巧者各三十
件福建進戶部多支權課葛三万五千疋番樂曲美並筒中葛
二年四月廣州獻金銀犀牙襍宝貨及名香等合估數千万是
月客省引進使韋堅使廣州迴以銀茶上獻其估凡五百餘万
福建進供御金花銀器一百件各五千兩是年天下郡國各助
郊天及賀正獻相次而至

新刊監本丹府元龜卷之一百九十七
新刊監本丹府元龜卷之一百九十七
新刊監本丹府元龜卷之一百九十七
新刊監本丹府元龜卷之一百九十七

新刊監本丹府元龜卷之一百九十八
新刊監本丹府元龜卷之一百九十八
新刊監本丹府元龜卷之一百九十八
新刊監本丹府元龜卷之一百九十八

周礼有王籍之制以時入之上以供染盛下以致蕃殖祈農務
穡於是乎在而嬴氏并吞收大半之賦孫刘鼎峙定三分之業
甸師所掌史策無聞故不可得而論也若乃繇宋洎陳迭王江
左北齊高氏建都鄴下皆親御耒耜率勸農功所謂國之大典
民之大事于斯而已矣其或致誠齋祭草具礼仪除壇於國之
震離小月於春之孟仲隨時沿革亦載于篇

宋文帝元嘉二十年十二月詔曰古者從時胙土以訓農功躬
耕帝籍敬供染盛仰瞻前王思遵令典便可量處于畝考卜元

辰朕當親率百辟致禮郊甸庶幾誠素將被斯民初帝將親率耕而其儀久廢使何承天撰定儀注時史學生山謙之已私爲集因以奏聞於時斟酌衆條造定旨注先立春九日尚書宣攝內外各使隨局從事司空大農京尹令尉度官之辰地八里之外整制千畝開阡陌立先農壇於中阡西陌南御耕種壇於中阡東陌北將耕宿設青幕於耕壇之上皇后帥六宮之人主種耨之種付籍田耕日太祝以一大牢告祠先農悉如祠帝社之儀孟春之月擇上辛後吉亥日御乘耕根三蓋車駕蒼駟青旂著通天冠青幘朝服青袞帶佩蒼玉藩王已下至六百石皆衣青唯三臺武衛不耕不改服章車駕出泉事如郊廟之儀車駕至籍田侍中跪奏導降車臨壇大司農跪奏先農已享請皇帝親耕大史令讚曰皇帝親耕三推三反於是群臣以次耕王公五等開國諸侯五推五反孤卿大夫七推七反士九推九反籍田令率其屬耕竟畝灑種卽耨禮畢

孝武帝大明四年正月乙亥躬耕籍田

明帝大始五年正月癸亥躬耕籍田

後廢帝元徽四年正月己亥躬耕籍田

南齊武帝永明三年十二月詔曰九穀之重八爲末是故潔粢豐盛祝史無愧於辭不籍千里周宣所以貽諫昔期運初啟庶政草昧三推之典我則未暇朕嗣奉鴻基恩隆先軌載耒躬親率繇舊式可以開春發歲敬簡元辰鳴青鸞於東郊冕朱紘而蒞事仰薦宗禋俯勗黔黎將使困庾內充遺秉外物既富而

教於焉攸往
四年閏正月辛亥親耕籍田
梁高祖天監十三年二月丁亥親耕籍田
先是籍田依宋齊以正月用事不齊不祭帝以為啟螯而耕則在二月節內書云以殷仲春理在建卯於是改用二月
十六年二月辛亥親耕籍田
普通二年四月丙辰詔曰夫欽若昊天歷象無遺躬執耒耜盡力致敬上協星鳥俯訓民時平秩東作義不在南前代因襲有乖禮制可以震方簡求沃野具茲千畝庶允舊章於是徙籍田於建康北岸築兆域小大列種梨柏便殿及齋宮省如南北郊別有望耕臺在壇東帝親耕畢登此臺以觀之公卿推代又有

祈年殿云帝天祚二年五月辛亥

四年二月乙亥躬耕籍田詔曰夫耕籍之義大矣哉染盛繇之而興禮節因之以著古者哲王咸用此作眷言八政致茲千畝公卿百辟恪恭其儀九推禮畢馨香靡替兼以風雲叶律氣象光華屬覽休辰思加獎勸可班下遠近廣闢良疇公私畎畝務盡地利若欲附農而糧種有乏亦並加貸給每使優徧孝悌力田賜爵一級預耕之司尅日勞酒
中大通六年二月癸亥親耕籍田

大同元年二月丁亥躬耕籍田

二年二月乙亥躬耕籍田

三年二月丁亥親耕籍田

四年二月己亥親耕籍田

六年二月己亥親耕籍田

七年二月辛亥親耕籍田

大清元年二月丁亥躬耕籍田

陳宣帝大建元年二月乙亥親躬籍田

三年二月丁酉親耕籍田

六年二月辛亥親耕籍田

九年二月壬午親耕籍田

十一年二月癸亥親耕籍田

十三年二月乙亥親耕籍田

北齊文宣帝天保二年正月辛亥耕籍田于南東其制千畝內

種赤梁白谷大豆赤黍小豆墨稔麻子小麥色別一頃自餘一

頃地中通阡陌作祠壇於陌南阡西廣輪三十六尺高九尺四

陞三壇四門又為大營於外設御耕壇於阡東陌北每歲正月

上辛後吉亥使卿以大牢祠先農神農氏於壇上無配饗祭訖

親耕先祠司農進種稔之種六宮主之行事之官並齋設齋省

於壇所列宮懸又置先農坐於壇上衆官朝服司空一獻不燎

祠訖帝乃服通天冠清紗袍黑介幘佩蒼玉黃綬青帶抹烏備

法駕乘木輅耕官青朝服從殿中監進御耒於壇南百官定列

帝出便殿升耕壇南陞即御坐應耕者各進於列帝降自南陞

即御坐應耕者各進於列帝降自南陞至耕位釋劍執耒三推

三反升壇即坐耕官一品五推五反二品七推七反三品九推

九反籍田令帥其屬以牛耕終千畝以青箱奉種跪呈司農
詣耕所灑之種訖司農省巧奏事畢帝降之便殿更衣饗宴禮
畢班賚而還

務農

夫四人業農居其一焉蓋務耨播谷所以厚下而農財授時勉
人所以敦本而成務致國於富彊躋俗於仁壽未始不由茲道
也嬴秦肆暴靡修稼政孫劉列壤南北更政以迄于朱梁或勸
課織悉形於詔令或優恤深篤著于條禁以至蠶月云及申其
帛襄之刑事方急緩其轂棘之戮親臨畝畝形於獎誨然後餘
糧委於甫田游手緣於東作既富而教可以君國而永命也
蜀後主建興三年春詔語務農植谷閉閑息民

吳大帝黃武五年陸遜以所在少谷表令諸將增廣農畝報曰
甚善今孤父子親自受田車中八牛以為四耦雖未及古人亦
欲與衆均等其勞也

赤烏三年三月詔曰蓋君非民不立民非谷不生頃者以民多
征役歲多水旱年谷有損而吏民不良侵奪民時以致饑困自
今以來督軍郡守其警察非法當農桑時以役事擾民者舉正
以聞

景帝永安二年三月詔曰朕以不德托于王公之上夙夜戰兢
忘寢與食今欲偃武修文以崇大化推此之道當繇士民士民
之賸必須農桑管子有言倉廩實知禮節衣食足知榮辱夫一
夫不耕有受其飢一婦不織有受其寒飢寒並至而民不為非

者未之有也自頃年以來州郡民吏及諸營兵多違此業皆淳
長江賈作上下良田漸廢見谷日少欲求大定豈可得哉亦緣
租入過重農人利薄使之然乎今欲廣開田業輕其賦稅差科
彊贏課田畝務令優均官私得所使家給戶贍足相供養則愛
身重命不犯刑法然後刑罰不用風俗可整以群僚之忠賢若
盡心於時雖大古盛化未可卒致漢文升平庶幾可及及之則
臣主俱榮不及之則捐削侵辱何可從容俯仰而諸卿尚書可
以咨度務取便佳田桑已至不可後時事定施行稱朕意焉

宋文帝元加八年閏六月詔曰自頃農桑情業遊食者衆荒萊
不闢督課無聞一時水旱便有罄匱苟不深存務本豐給靡因
郡守賦政方畿縣宰親民之主宜思獎訓導以良規咸使肆力

地無遺利耕蠶樹藝各盡其力若有力田殊象歲竟條名列上
二十年十二月詔曰國以民為本民以食為天故一夫輟稼飢
者必及倉廩既實禮節以具自頃所在貪罄家無宿積賦之暫
偏則人懷愁怨歲或不稔而病至比室誠由政德忽乎以臻斯
弊抑亦耕桑未廣地利多遺宰守微化導之方萌庶忘勸分之
義永言宏濟明茲載懷雖制令亟下終莫懲勸而坐望滋殖庸
可致乎有司其班宣舊條務盡敦課遊食之徒咸令附業考覈
勤惰行其誅賞現察能殿嚴加黜陟

二十一年七月詔曰比年谷稼積損淫亢成災亦由播殖之宜
尚有未盡南徐秦豫及揚州浙江江西屬郡自今悉督種麥以
助闕乏速運彭城下邳即見種委刺史貸給徐豫土多稻田而

民間專務陸作可符二鎮履行旧陂相率脩立壘閘使及來年
凡諸州郡皆令盡勸地利勸導播殖蠶桑麻紵各盡其方不得
奉行公文而已

孝武帝大明二年三月以田農要月大官停殺牛

明帝泰始三年正月以農役將興大官停宰牛

南齊武帝永明三年正月詔曰守宰親民之要刺史案部所先
宜嚴課農桑相土揆時必窮地利若耕蠶殊衆足厲浮惰者所
在即列奏其違方矯務佚事妨農亦以名聞將明賞罰以勸勸
怠較覈殿最以申黜陟

鬱林王隆昌元年正月詔曰抗耕墮虧懸罄比室秉機或惰無
禍終年非怠非荒雖由王道不稂不莠實賴民和頃歲多稼無
棄遺秉如積而三登之美未臻萬斯之基尚遠且風土異宜百
姓殊務刑章沿緒未必同源妨本害政事非一揆冕旒屬念無
忘夙具可嚴下州郡務滋耕殖履畝闢時廣開地利深樹國本
克正天民

明帝建武二年正月詔曰食為民天義高姬載蠶實生本教重
軒經前哲盛範後王茂則布令審端咸必由之朕肅宸巖廊思
宏風訓深務八政永鑒在勤靜言日昃無忘寢具守宰親民之
主牧伯調俗之司宜嚴課農桑罔或惰揆景肆力必窮地利
修固堤防考較殿最若耕蠶殊衆具以名聞游怠害業即便列
奏主者詳為條格

梁簡文大寶二年正月甲戌下令曰軍國多虞戎旃未靜青領

雖燉黔首宜安時唯星鳥表年祥於東秩春紀宿龍歌歲取於南畷况三農務業尚有天桃敷水四人有令猶及落杏飛花化俗移風嘗在所急勸耕且戰彌須自許豈直燕垂寒谷積黍自溫寧可慎此玄苗坐食紅粒不植鷄鷄空候蟬鳴可悉深耕概種安堵復業無棄民力並分地利班勅州郡咸使遵承

陳文帝元嘉元年三月詔守宰明加勸課務急農桑庶鼓腹含哺復在茲日

八月詔曰菽粟之貴重於珠玉自頃寇戎游手者衆民失分地之業主有佩犢之譏朕哀矜黔庶念康弊俗思俾阻飢方存富教麥之為用要切斯甚今九秋在即萬寶可收其班宣遠近並令播種守宰親臨勸課務在及時其有尤貧量給種子

後主大建十四年正月即位二月詔曰躬耕為勸義顯前經力農見賞事昭往誥斯乃國儲是資民命攸屬豐儉隆替靡不由之夫入賦自古輸藁惟舊沃饒貴于十金硯确至于三易腴墾既異盈縮不同詐偽日具薄書歲改稻田使者著于西京不實峻刑聞諸東漢老農懼于拉絰俗吏因以侮文輟耒成群遊手為伴永言妨蠹良可大息今陽和在節膏澤潤下宜展春耨以望秋坻其有新闢塍畝進墾蒿萊廣袤勿得度量征租悉皆停免私業久廢咸許占作公田荒縱亦隨肆勤儻良守教耕淳民載酒有茲督課議以實擢外可為格班下稱朕意焉

北齊文宣帝天保元年二月詔諸牧民之官仰專意農桑勤心勸課廣收天地之利以備水旱之災

武成帝河清三年定令每歲春月各依鄉土早晚課人農桑自
春及秋男子十五已上皆就田畝桑蠶之月婦人女十五已上
皆營蠶桑孟冬刺史聽審邦教之優劣定殿殿之科品有人力
無牛無人有牛者須令相便皆得佃種使地無遺利人無遊手

馬其百餘匹梁太祖開平三月八月已卯幸西苑觀稼

四年二月已丑出光政門至谷水觀麥以制文碑

五年二月甲子幸曜村民舍閱農事田外

乾化元年五月癸巳觀稼于伊水至

八月戊辰幸故上陽宮至榆林觀稼命

大節儉四五

夫節用愛人宣尼之教也去奢去泰玄元之旨也蓋有國有家
者曷嘗不遵卑菲之訓申奇巧之禁厚生而務本克己以率下
然後致民於富庶饗祚於悠久者也自吳江傳國逮于北齊朱
梁亦嘗斤其珍玩禁止貢獻裁減玉食之制削去輿服之飾戒
風俗之踰侈化民德以歸厚或形於詔誥或著之行事亦始初
有清明憲章稽古中道而廢不終令聞傳所謂非知之艱行之
惟艱又曰其身不正雖令不從雖復條教周悉亦何益于治乎
吳大帝赤烏五年四月禁進獻御減大官膳
十年三月作太初宮諸將及州郡皆義作帝詔曰建業宮乃朕
從京來所作將軍府寺耳材柱率細皆以腐朽常恐捐壞今未
復西可徙武昌材瓦更繕治之有司奏言曰武昌宮已二十八

年恐不堪用宜下所在通更伐更致帝曰大禹以卑宮為美今
軍事未已所在多賦若更通伐妨損農桑從武昌材瓦自可用
也

宋高祖清簡寡欲嚴整有法度未嘗視珠玉輿馬之御後庭無
紈絲竹之音寧州嘗獻琥珀枕光色甚麗盈百金時將北征以
琥珀治金創帝大悅命擣碎分付諸軍平關中得姚興財帛皆
在外府內無私藏宋臺既建有司奏東西堂施局脚狀銀塗釘
帝不許使用直脚牀釘用鉄廣州嘗獻入筒細布一端百尺帝
惡其精麗勞人即付有司彈太守以布還之并制嶺南禁作此
布帝素有熱病并患金創末年猶劇坐卧嘗須冷物後有獻大
石牀寢之極以為佳乃歎曰木牀且費而况石耶即令毀之制

諸主出適遣送不過二十萬無錦綉金玉內外奉禁莫不節儉

性尤簡易嘗着連齒木屐好出神虎門逍遙左右從者不過十

餘人諸子且問起居入閣脫公服止着裙如家人之礼

孝武大
明中壞

帝所居陰室於其處起玉燭殿與羣臣觀之牀頭有土障壁上
有葛灯籠麻繩拂侍中表頭盛稱帝儉素之德孝武不答獨曰
田舍翁得此
已為過矣

文帝元嘉八年三月詔曰頃軍役殷具國用增廣資儲不給百

度尚繁宜存簡約以應事實內外可通共計思務令節儉帝性

存儉約不好奢侈車府令嘗以輦輦故請改易之又輦席舊以

烏皮緣故欲代以紫皮緣故帝以竹輦未至於壞紫色貴並不

聽改其率素如此

孝武帝元嘉三十年四月即位五月詔曰興王立訓務弘治節

輔臣佐時勤獻政要仰惟聖規每存茲道猥以眇躬屬承景業
闡揚遺澤無廢厥心夫量入為出邦有舊典而經給之宜多違
嘗度兵役糜耗府藏散減內外重供未加損約非所以聿遵先
旨敬奉遺命自今諸司薄已厚民去煩從簡悉宜施行以稱朕
意尚意尚崇宜七月辛酉詔崇儉約禁淫侈軍器大明四年四月詔曰昔弋衣御寓貶甘示節土蓋臨人飭儉昭
度朕綈帛之念無忘于懷雖深詔有司抑浮務實而歲用兼積
年量虛廣豈以捐豐從損允稱約心四時供限可詳減太平庶
表締順典有偃民革慕組傷功無競厚市明帝泰始元年十二月詔曰皇室多故糜費滋廣且久歲不登

公私歉弊方刻意從儉弘濟時艱政道未孚慨愧兼積大官供
膳可詳所減撤尚方御府雕文篆刻無益之物一皆蠲省務存
簡約以稱朕心又曰詔曰

二年十一月詔曰治崇簡易化嫉繁侈遠闕隆替明者軌跡者
也朕緣斯墜運屬此屯極仍之以彫耗因之以師旅而識昧前
王務艱昔代舊賦既失為費彌廣寤寐庶務每思弘章方欲緩
繇優調愛民為先有司詳加寬惠更立科品其方物職貢各順
土宜來獻納貢敬依時令凡諸蠹俗妨民之事趨末違本之業
雕華靡麗奇器異技並嚴加裁斷務歸要實其尚方御府諸署
供御制造咸存儉約庶淳風丕教微遵太古阜財興讓少敦季
俗俗

後廢帝元徽二年五月詔曰頃國賦多愆公儲罕給近治戎雖
淺而軍費已多廩藏虛罄難用取遠宜撝革淫長務在節儉供
奉服御悉就減撤雕文靡麗廢而勿修凡游費一皆禁斷外可
詳為科格
三年閏三月詔曰頃民俗滋弊國度未殷歲時屢騫編戶不給
且邊隅尚警供費彌繁永言夕惕寢興增疚思弘豐耗之制以
博約素之風庶在拯民以康法道大官珎膳御府麗府諸所供
擬一皆減撤可詳為其格務從簡乘

順帝昇平元年七月詔曰露台息構義光漢德雉表焚制事因
晉道故以簡奢軌化敦儉馭俗頃甸服未靜師旅連年委蓄屢
空勞弊莫偃而丹雘之飾靡耗難訾宝賂之費徵賦靡計今車

服儀制寔宜約損使徽章有序勿得侈溢可罷省御府二署凡
工麗雕鏤傷風毀治一皆禁斷庶永昭憲則弘茲治政
南齊太祖即位後身不御精細之物勅中書舍人桓景真曰主
衣中似有玉介導此制始自大明未得泰始增光甚麗留此置
主衣正是具長疾源可即時打碎凡復有異物皆宜隨例毀棄
後宮器物欄檻以銅為飾者改用鐵內殿施黃紗帳宮人著紫
皮履華蓋除金花爪用鉄迴釘每曰使我治天下十年當使黃
金與土同價欲以身率天下移變風俗

武帝為治總大体以富國為先頗不喜遊宴雕綺之事言嘗恨
之未能頓遣又詔凡諸遊費宜從休息自今遠近薦獻務存節
儉不得出界營求相高奢麗金粟繒纈弊民已多珠玉玩好傷

工尤重嚴加禁絕
明帝初封西昌侯王子侯舊乘繚帷車帝獨乘下帷車儀後如
素士
建武元年十一月詔曰自今雕文篆刻歲時光新可悉停省藩
收守宰或有薦獻事非在一嚴加禁斷
二年十月詔曰軌世去奢事因哲后訓物以儉理鏡前王朕屬
流弊之末襲澆淳之季維恭已敷化刻意隆平而禮讓未興侈
華犹競永鑒玄風競言集愧思所以還淳改俗反古移民可罷
東田毀具光樓並詔水衡量省御乘
二年三月詔車府乘輿有金銀飾較者皆剔除制御親幸自下
肅清驅使寒人不得用四幅織大存檢約罷武帝所起新林苑

以地還百姓廢文惠太子所起東田斤賣之永明中輿輦舟乘
悉別取金銀還主衣庫以牙角代之嘗用皂夾訖授餘漂與左
右曰此犹堪明日用太官進御食有裹蒸帝曰我食此不盡可
四片破之餘充晚食而武帝掖庭宮殿服御一無所改其儉約
如此

梁高祖初仕齊錄尚書事下令曰在上化下草偃風從世之澆
淳嘗由此作自永元失德書契未紀窮凶極悖焉可勝言既而
璇室外構傾宮內積竒伎異服殫所未見上慢下暴淫侈競馳
國命朝權政移近習販宮鬻爵賄貨公行並甲第康衢漸台廣
室長袖低昂等和戎之賜珍羞百品同伐冰之家愚民因之浸
以成俗驕艷競乘夸麗相高至乃市井之家貂狐在御工商之

子縵綉是襲日入之次夜分未及昧爽之朝期清旦聖明肇運
厲精惟始雖曰續戎殆同創革且淫費之後繼以興師巨橋鹿
臺雕螯不一孤忝荷大寵務在澄清思所以仰述皇朝大帛之
旨俯厲微躬鹿裘之義解而更張斷雕爲樸自非可以奉染盛
修紱冕習禮樂之容繕甲兵之備此外衆費皆一禁絕御府中
署量宜罷省掖廷備御妾之數太子絕鄭衛之音其中有可以
率先卿士準的氓庶菲食薄衣請自孤始加群才並軌九官咸
事若能人務退食競存約已移風易俗庶朞月有成昔毛玠在
朝士大夫不敢靡衣渝食魏武嘆曰孤之法不如毛尚書孤之
雖得謝往賢任重先達寔望多士得其此心外可詳為條格及
即位身服浣濯衣之御府無文飾宮掖不過綾絲無珠玑錦綉

大官撤牢撰每日膳菜蔬按不過三醖以儉先海內身衣布衣
木綿皂帳一冠三載一被二年嘗克儉於身凡皆此類五十外
便斷房室後宮職司貴妃已下六宮褙褕三翟之外皆衣不曳
地傍無錦綺不飲酒不聽音聲非宗廟祭祀大會饗宴及諸法
事未嘗作樂

陳高祖以儉素自率嘗膳不過數品私饗曲宴皆瓦器蚌盤殼
椀庶羞裁令充足而不為虛費初平侯景及立紹泰子女玉帛
皆班將士其充闈房者衣不重練飾無金翠歌鐘女樂不列於
前及乎踐祚彌厲恭儉故隆功茂德光有天下焉

文帝天嘉元年八月詔曰汙搏土鼓誠則難追畫卯雕薪或可
易革梁氏之末奢麗已甚芻豢壓於胥吏歌鍾列于管庫土水

被朱丹之采車馬飾金玉之珍逐欲澆流遷訛逐遠朕自諸生
頗為內足而家敦退素室靡浮華現覽時俗常所扼腕今安假
時乘臨馭區極屬膏淪季思聞治道靡食卑宮自安儉陋俾茲
薄俗獲反淳風往者雕鏤淫飾非兵器國容所須金銀珠玉衣
服褻玩悉皆禁斷帝起自艰难知百姓疾苦國家資用務從儉
約嘗所調全事不獲已者必咨嗟改色若在諸身
帝宣大建七年四月監豫州陳桃根上織成羅紋錦被表名二
詔于雲龍門外焚之
十年四月詔曰惟堯葛衣鹿裘則天為大伯禹弊衣菲食夫子
曰無間然故儉德之恭約失者鮮朕君臨宇宙十交年齋旰日
勿休乙夜忘寢跋予思治若濟巨川念茲在茲懍同馭朽非貪

四海之富非念黃屋之尊導仁壽以冥群生寧勞役以奉諸已
但承梁季辭離斯廢宮室禾黍有名亡處雖輪奐未覩頗事經
營去泰去甚猶為勞費加以戎車屢出千金日損府帑未克民
疲征賦百姓不足君孰與足具言靜念夕惕懷抱垂訓立法良
所多慙斷雕為朴庶几可慕雉頭之服既焚弋絳之衣方襲損
撤之制前自朕躬草偃風行冀以交俗往者御府堂署所營造
禮樂儀服軍器之外其餘悉皆停息掖庭嘗供王侯妃主諸有
奉卹並各量減
十三年十二月己巳詔非軍國所須多所須減損歸于儉約
北齊神武帝雅尚儉素刀劍鞍勒無金石之飾少能劇飲自當
大任不過三爵

文宣天保元年七月詔曰古人鹿皮為衣書囊成帳有懷盛德
風流可想其魏朝御府所有奇珍裸綵嘗所不給入者徒為人
蓄積宜命志出送內後園以供七日宴賜
梁太祖開平元年六月詔曰敦尚儉素抑有前聞斥去浮華期
臻至理如聞近日貢奉競務奢淫或奇巧蕩心或雕鐫溢目徒
殫資用有費工庸此後應諸道進獻不得以金寶裝飾戈甲劍
戟至于鞞勒不用塗金及雕刻龍鳳如有此色所司者不得引

進
新刊監本冊府元龜卷之一百九十八

新刊監本冊府元龜卷之一百九十九
閏位部
命相
選將

惟秦氏據有宇內孫劉三分天下宋蕭四代載祀三百東魏高
齊逮于梁室莫不咨求賢英置之宰弼財成國務彌綸統紀至
乃備物典策以優其命數委任責成以寄其心膂贊萬樞以賦
政總百官以承式時惟棟幹之重允助陶甄之化得賢之盛何
代無之其或由勳烈而踐衡石以恩幸而升公袞罹負乘之謗
致鼎鍊之傾者亦可以垂鑒者已
秦始皇帝初秦王以呂不韋為相國封十萬戶號文信侯其後

有相國昌平君文君

其史失名

及即皇帝號有丞相隗枉丞相王綰

丞相李斯其史失名

二世時去疾為右丞相李斯為左丞斯已死以趙高為中丞相

事無大小輒決于高其史失名

蜀先主章武元年四月即皇帝位策諸葛亮為丞相錄尚書事

曰朕遭家不造奉承大統兢兢業業不敢康寧思盡百姓懼未

能緩於戲丞相亮其悉朕意無怠輔朕之闕助宣重光以昭明

天下君其勗哉又以許靖為司徒策曰朕獲奉洪業君臨萬國

夙夜惶惶懼不能緩百姓不親五品不遜汝作司徒其敬敷五

教五教在寬君其勗哉秉德無怠

後主建興八年詔策諸葛亮曰街亭之役咎繇馬謖而君引愆

深自貶抑重違君意聽順所守前年耀師讎斬王雙今歲爰征

郭淮遁走降集氐羌其復二郡威震凶暴功勳顯然今方天下

騷擾元惡未梟君受大任幹國之重而久自挹損非所以光揚

洪烈矣今復君丞相君其勿辭

十二年八月丞相亮卒以丞相留府長史蔣琬為尚書令總統

國事其史失名

十三年四月進蔣琬位為大將軍錄尚事書以後軍師費禕為

尚書其史失名

六年十一月以尚書令費禕為大將軍錄尚書事

十年以衛將軍姜維與大將軍費禕共錄尚書事

十九年春進姜維位為大將軍

吳大帝黃武元年以車騎長史孫邵為丞相

四年六月以大嘗顧雍為丞相

赤烏七年正月以上大將軍陸遜為丞相詔曰朕以不德應期

踐運王途未一茲究充路夙夜戰懼不遑鑒昧惟君天資聰敏

明德顯融統任上將佐國弭難夫有超世之功者必膺光大之

寵懷文武之才者必荷社稷之重昔伊尹隆湯呂尚翼周內外

之任君宜兼之今以君為丞相使持節守太嘗博士授印綬君

其茂昭明德修乃懿績敬服王命綏靖四方於乎總司三事以

詞群僚可不敬與君其勩之其州牧都護領武昌事如故

九月九月以驃騎將軍步騭為丞相

十二年四月以驃騎將軍朱據為丞相

廢帝亮建興元年閏四月以太子太傅諸葛恪為太傅太嘗裔

為衛將軍領尚書事

二年十月以武衛將軍孫峻為丞相

景帝休永安元年十月以大將軍孫琳為丞相

十一月詔曰大將軍掌中外諸軍事統煩多其加衛將軍御

史大夫恩侍中與大將軍分省諸事

五年十月以衛將軍濮陽興為丞相

後主皓寶鼎元年八月以鎮西大將軍陸凱為左丞相嘗侍萬

或為右丞相

二年二月以左右御史丁固孟仁為司徒司空

建衡三年詔曰武昌督范慎勲德俱茂朕所敬憑宜登上公以

副衆望以為大尉
天紀三年八月以軍師張悌為丞相牛渚都督何植為司徒執
金吾滕循為司空

宋高祖初元年六月以相國諮議參軍王弘為侍中錄尚書事
二年正月以尚書僕射徐羨之為尚書令揚州刺史

三年正月以尚書令徐羨之為司空錄尚書刺史如故

少帝即位初以尚書僕射傅亮為中書監尚書令司空徐羨之
領軍謝晦輔政

文帝元嘉元年八月進司空徐羨之為司徒江州刺史王弘位
司空尚書令傅亮左光祿大夫

三年正月以江州刺史王弘為司徒錄尚書事

九年三月進衛將軍王弘為太保加江州刺史擅追濟為司空

孝武帝大明三年八月以南兗州刺史沈慶之為司空時王僧

書令中
失年月

前廢帝景和元年八月以始興公沈慶之為太守

後廢帝即位初以尚書令袁粲護軍將軍褚淵共輔朝政

元徽二年九月以袁粲為中書監領司徒褚淵為尚書令

順帝昇明元年七月即位領軍將軍蕭道成出鎮東城輔政以

袁粲為中書監司徒

二年二月以褚淵為中書監司空

南齊太祖建元元年正月以司空褚淵為司徒

武帝即位初以司徒褚淵錄尚書事尚書左僕射王儉為尚書

令輔政
永明十一年正月以驃騎大將軍豫州刺史王敬則為司空
海陵王卽位初以車騎大將軍陳顯達為司空前司空王敬則為太尉

明帝建武元年十月以司空陳顯達為太尉
東昏侯卽位初內外眾事無大小委中書監徐孝嗣右僕射江祐侍中江祀衛射卿刘暄領軍蕭坦之始安王遙光時呼六貴皆宰相也

永元元年八月以徐孝嗣為司空

和帝中興元年十二月以征東大將軍蕭衍為大司馬錄尚書事驃騎將軍揚州刺史

梁高祖天監元年四月以相國左長史王榮為中書監

二年六月以新除左光祿大夫謝朓為司徒尚書令

九年正月以太常卿王亮為中書令

十一年正月以驃騎將軍王茂為司空

普通三年正月以尚書令袁昂為中書監

中大通四年正月尚書令袁昂進位司空

大通五年十二月以吳郡太守謝舉為中書監

元帝承聖三年三月以司徒王僧辯為太尉護將軍鄧州刺史

陸法和為司徒

敬帝卽位初以太尉王僧辯為中書監錄尚書事

太平元年七月以南府儀同三司侯瑱為司空

後梁宣帝即位以雍州刺史蔡大宝為侍中尚書令明帝嗣位
以尚書令蔡大宝為司空中書監鄆州刺史王操為侍中尚書
令

陳高祖永定元年即位以梁州左氏尚書沈眾為中書令

二年正月以車騎將軍侯瑒為司空時尚書左僕射王道中書令謝哲並兼太宰史失年

文帝即位初以司空侯瑒為太尉以南豫州刺史侯安都為司

空以南徐州刺史徐度為侍中

廢帝即位初以中軍大將軍徐度為司空

光大元年三月以尚書左僕射沈欽為侍中尚書僕射

宣帝大建八年二月以開府儀同三司吳明徹為司空

後主時江總為尚書令姚察沈文理為侍中史失年月

東魏孝靜帝天平元年正月即位軍國政事皆歸于丞相高欢

以開府儀同三司高盛為司徒高昂為司空

二年三月以司徒高盛為太尉司空高昂為司徒

三年二月以司徒大行台竝州刺史高澄入輔朝政

具和元年正月以尚書令孫滕為司徒

三年十一月以度支尚書胡僧敬為司空

四年四月以尚書右僕射高隆之為司空

武定元年五月以吏部尚書侯景為司空

二年三月以開府儀同三司孫滕為大保以高澄為大將軍領

中書監

十一月以前大司馬婁昭為司徒

三年十二月以司空侯景為司徒以中書令軌為司空軌為中書令史

失其年六月以吏部尚書劉景為司空

五年五月以開府儀同三司庾季才為太師以錄尚書事孫騰

為太傅以汾州刺史賀拔仁為太保以司空韓軌為司徒以領

軍將軍可朱渾道元為司徒

六年三月以開府儀同三司高岳為太尉

七年十月以開府儀同三司潘相樂為司空

十二年以并州刺史彭樂為司徒

八年二月以尚書令高隆之為太保

北齊文宣帝天保元年六月以太師庾季才為太宰司徒彭樂

為太尉司空潘相樂為司徒開府儀同三司司馬子如為司空

三年六月以前司空司馬子如為太尉

五年八月以前司空尉粲為司徒粲為司空史失年月

八年四月以太師咸陽王斛律金為右丞相前大將軍扶風王

可朱渾道元為太傅開府儀同三司賀拔仁為太保

九年十二月以太傅可朱渾道元為太師後尉粲為太尉冀州

刺史段韶為司徒

廢帝即位初以右丞相斛律金為左丞相司空段韶為司徒

武成帝即位初以太尉粲為太保以豐州刺史婁叡為司空

河清元年七月以大司馬段韶為太傅以司空婁叡為司徒以

尚書令斛律金為司空

三年三月以司空斛律光為司徒

五年以前司徒婁叡為太尉以傅段韶為太師

十二月以太師段韶為太宰以司徒斛律光為太尉

後主天統元年四月以太保賀拔仁為太師太尉侯莫陳相為

太保瀛州刺史尉紮為太尉

二年十二月以太保侯莫陳相為大傅

三年八月太上皇詔以太宰大司馬婁叡為太傅大將軍斛律

光為太保

四年三月以開府儀同三司徐顯秀為司空

五年三月以司空徐顯秀為太尉

十一月以太保斛律光為太傅大司馬

武平元年二月以太傅斛律光為右丞相

二年二月以錄尚書事趙彥深為司空

十一月以右丞相斛律光為左丞相

四年四月以開府儀同三司趙彥深為司空

六年以錄尚書事高阿那肱為司徒

十二月以司徒高阿那肱為右丞相

六年閏八月以司空趙彥深為司徒斛律光河列羅為司空

梁太祖開平元年五月以唐朝宰臣張文蔚楊涉竝為門下侍

郎平章事以御史大夫薛貽矩為中書侍郎平章事

是月以清州節度使韓建守司徒平章事帝以建有文武材且

詳于稼穡利害軍旅之事第度經費欲盡詢焉恩澤特異于時

罕有比者隨拜為上相賜賚甚厚
二年四月以吏部侍郎于競為中書侍郎平章事以翰林奉旨
學士張策為刑部侍郎平章事時帝在澤州拜二相於行在
三年九月太常卿趙光逢為中書侍郎平章事翰林學士奉旨
工部侍郎知制誥杜曉為尚書戶部侍郎平章事
十一月戊午御文明殿冊太傅張宗奭為太保

韓建受冊畢金吾仗引昇輅車儀仗導謁太廟訖赴尚書省上
末帝即位初以御史大夫姚洎為中書侍郎平章事

貞明二年八月以太未太保致仕趙光逢為司空兼門下侍郎
平章事弘文館太學士延資庫使克諸道鹽鐵轉運使

十月以中書侍郎兼吏部尚書同平章事敬翔為右僕射兼門

下侍郎平章事監修國史判度支以中書侍郎同平章事却珣
為刑部尚書平章事集賢殿大學士判戶部
四年四月以吏部侍郎蕭頊為中書侍郎同平章事
六年四月以尚書左丞相李琪為中書侍郎平章事

夫席閔餘之數主征伐之柄曷嘗不慎擇英傑為之將領付以
師旅之重委之討襲之事因之以夷勅敵剪逋寇震揚武怒輝
耀威靈而克昌於基緒而成寧其守宇焉若夫詩禮兼資是為
義府仁賢竝用叶于善經蓋夫制中權握兵要為王者之爪士
乃生民之司命鑿門之舉善敗攸繫聞聲之恩倚屬斯在固宜
審其才致諒其誠心然後分之以注意之任責之以維揚之功

者也

秦始皇初為秦王既滅三晉走燕王而數破荆師秦將李信者少年壯勇嘗以兵數千逐燕太子丹至於衍水中卒破得丹始皇以為賢勇于是始皇問李信吾欲攻取荆於將軍度用幾何人而足信曰不過用二十萬人始皇問王翦曰非六十萬人不可始皇曰王將軍老矣何怯也李將軍果勢壯勇其言是也隨使李信及蒙恬將二十萬南代荆王翦言不用因謝病歸老於穎陽李信攻平與蒙恬攻寢今因使大破荆軍信又攻鄢郢破破之於是引兵而西與蒙恬會城父荆人因隨之三夜不宿舍大破李信軍入函盛殺七都尉秦軍走皇聞之大怒自馳如穎陽見謝王翦曰寡人用以不將軍計李信果辱秦軍今聞荆兵日

進而西將軍雖病獨忍棄寡人乎王翦謝曰老臣罷病恃亂唯大王更擇賢將始皇謝曰已矣將軍勿復言王翦曰大王必不得已用臣非六十萬人不可始皇曰唯聽將軍計耳於是王翦大破荆軍平荆地為郡縣

蜀先主初為漢中王遷治成都常得重將以鎮漢川眾論以為必在張飛飛亦以心自許先主乃拔牙門將軍魏延為督漢中鎮遠將軍領漢中太守一軍盡驚先主大會群臣問延曰今委卿以重任卿居之欲云何延對曰若曹操舉天下而來請為大

王拒之偏將十萬之眾至請為大王吞之先主稱善眾咸壯其言張飛為車騎將軍領司隸較尉進封西鄉侯策曰朕承天序嗣

奉洪業除殘靖亂末靖厥理今寇虜作害民被荼毒思漢之士
延頸鶴望朕用怛然坐不安席食不甘味整軍誥誓將行天罰
以君忠毅伴蹤召虎宣功遐迩故特顯命高墉進爵監司于京
其誕將天威柔服以德伐叛以刑稱意焉詩不云乎匪疫匪棘
王國來極聲敏戎功用錫爾祉可不勉與
馬超為驃騎將軍領涼州牧進封棗鄉侯策曰朕以不德獲繼
至尊奉承宗廟曹操父子世載其罪朕用慘怛疾首海內
怨憤正反本暨于氏羗率服獯鬻慕義以君信著北上威武
竝昭是以委任授君抗颶虺虎兼董萬里求民之瘼其明宣朝
化懷保遠迓肅慎賞罷以篤漢祜以對于天下
吳大帝時偏將軍領尋陽呂蒙克皖遷尋陽未几而廬陵賊起

諸將討擊不能擒大帝曰鸞鳥累百不如一鶚復命蒙討之蒙
至誅其首惡餘皆釋放復為平民

朱據字子範大帝咨嗟少率發憤嘆息追思呂蒙張溫以為據
才兼文武可以繼之由是拜建義校尉領兵屯湖熟

宋高祖初譙縱叛亂自稱成都王帝以西陽太守朱齡石為益
州刺史寧朔將軍滅熹下邳太守劉鍾蘭陵太守蒯恩等率眾
二萬自江陵討縱初謀元帥僉推其人齡石資名素茂帝遣眾
拔之授以麾下之半滅熹帝后弟也位出其右又隸焉及戰克
捷眾咸服帝之知人又美齡石之善於其事

南齊太祖建元二年以柳世隆進號安南將軍是時魏寇壽陽
帝勅世隆曰歷陽城大恐不可卒治宜近斷隔之深為保固必

分百姓若不將家守城單身亦難可委信也尋又勅曰吾更歷陽外城若有賊至即勸百姓守之故應勝割棄也桓宗祖既破虜上欲罷併二豫勅世隆曰北思江西蕭索二豫兩弊為難議者多云省一是一於事為便吾謂非乃乖謬卿以為云何可且以聞

武帝永明二年江州蠻勳勅寧朔將軍曹虎領軍戍尋陽除游擊將軍輔國軍主

蕭景先為征虜將軍丹陽尹永明五年羌人桓天生引蠻虜於雍州界上司却以北人情騷動帝以景先請究司土詔曰得雍州刺史張環啓事蠻虜相扇容或侵軼蠶蠶有毒宜時勦動可遣征虜將軍丹陽尹景先總率步騎直指義陽可假節司州諸

軍皆授節度景先至鎮宅軍城北百姓乃安牛酒來迎軍明帝時陳顯達為太尉侍中時虜頻寇雍州衆軍不掠失沔北五郡永泰元年乃遣顯達北討詔曰晉氏中微宋祚繼謝藩臣外叛要荒內侮天未悔禍左衽亂華巢穴神州遂移年載朕嗣膺景業踵武前王靜言隆替思寧區夏但多難甫夷恩化肇洽與師擾衆非政所用思戰遠圖權緩北略冀戎夷知義懷我好音而凶醜剽狡專事侵掠驅扇異類而蟻聚西偏乘彼自來之資撫其天亡之會軍無再駕民不重勞傳檄以定三秦一麾而平禹跡在此舉矣且中原士庶久望皇威乞師請授結軌馳道信不可失時豈終朝空分命方嶽因茲大號侍中顯達可暫輟槐陰指授羣率中外慕嚴加顯達使節向襄陽

梁高祖天監元年冬十月丙午北伐以中軍將軍揚州刺史臨
川王宏都督北討諸軍事尚書右僕射柳悛為副
普通二年秋七月丁酉假大匠卿裴邃節督眾軍北討
五年六月庚子以員外散騎常侍元樹為平北將軍北青苑二
州刺史率眾北伐
六年春正月詔曰廟謨已定王畧方舉侍中領軍將軍西昌侯
椿可便親戎以前啟行鎮北將軍南充州刺史豫章王綜董馭
雄傑風馳電邁其餘眾軍計日差遣初中後師善得嚴办朕當
六軍之動飛舟濟江五月壬子遣中護軍夏侯肅督壽陽諸軍
北伐
大通元年十二月乙卯以中護軍蕭深藻為北討都督征伐大

將軍鎮渦陽

中大通六年冬十月丁卯以信武將軍元慶和為鎮北將軍率
眾北伐

孝元帝承聖二年十一月遣豫州刺史侯瑱據東關壘徵吳具

太守裴之橫師眾繼之

王僧辯為車騎大將軍在揚州西魏相宇文泰遣兵及在陽王
眾合五萬將襲江陵元帝遣主書李膺徵僧辯於建業為大都
督荊州刺史別勅僧辯云泰背盟忽便舉命國家猛將多在下
流荆峽之眾志非勁勇公宜率眾貔虎星言就路倍道兼之赴
倒懸也僧辯因命豫州刺史侯瑱等為前軍兗州刺史杜僧明
等為後軍處分既畢乃謂膺云泰兵驍猛難與爭銳眾軍若集

吾便直指漢江截其後路凡千里置糧尚有飢色况賊越數千里者乎此孫贖克麗涓時也

陳宣帝時朝議北伐帝謂左僕射徐陵曰朕意已決卿可舉元帥衆議咸以中權將軍溥于量位重共著推之陵獨曰不然吳明徹家在淮左悉彼風俗將略入才當今亦無過者於是爭論累日不能決都官尚書裴忌曰臣同徐僕射凌應聲曰非但明徹良將裴忌即良副也是日詔明徹為大都督令忌監軍事遂克淮南數十州之地

北齊文襄時高岳討侯景克文襄欲遣潘相樂副散騎嘗侍陳元康曰相樂緩於機變不如慕容紹宗且先王有命稱其堪敵侯景公但推赤心於此人則侯景不足憂也是時紹宗在遠帝欲召見之恐其驚叛元康曰紹宗知元康特蒙有待新使人來餉金以致其誠款元康欲安其意故受之而厚答其書保無異也帝乃任紹宗遂以破景

梁太祖開平元年八月以潞州軍前屯師旅壁壘未收乃別議戎師於是以亳州刺史李思安克潞州行營都統

五年正月詔曰徵陝州鎮國軍節度使楊師厚至京見于崇勳殿帝指授方略依前克北面却招討使恩賚甚厚使督軍進發

夫作朕心膂使如臂指其倚任之謂乎三正既往羸氏獨立然
 強兵之重必委謀臣及梁益員阻江吳分據取威定霸得士者
 昌南北交風政俗有異賢哲是賴寵用彌篤益以其才畧明達
 履用謹飭時名攸重舊德斯茂亦以攀附自始勤勞夙夜凡所
 更事允合上意繇是小大之務中外迭處榮侍左右斯須罔離
 或疇咨機謀款密曲盡靡限資地專委要劇乃至總統政治或
 取論決形於付囑無所嫌間非夫忠信博厚之君子孰克荷于
 待遇者哉

新刊監本冊府元龜卷之二

倚任

卷之二

夫作朕心膂使如臂指其倚任之謂乎三正既往羸氏獨立然
 強兵之重必委謀臣及梁益員阻江吳分據取威定霸得士者
 昌南北交風政俗有異賢哲是賴寵用彌篤益以其才畧明達
 履用謹飭時名攸重舊德斯茂亦以攀附自始勤勞夙夜凡所
 更事允合上意繇是小大之務中外迭處榮侍左右斯須罔離
 或疇咨機謀款密曲盡靡限資地專委要劇乃至總統政治或
 取論決形於付囑無所嫌間非夫忠信博厚之君子孰克荷于
 待遇者哉

秦始皇時蒙恬北逐戎狄收河南築長城威振匈奴始皇甚尊
寵蒙氏信任賢之而親近恬弟毅位至上卿出則參乘入則御
前恬任外事而毅嘗為內謀名為忠信故雖諸將莫敢與之爭
馬軍人各工意是心大之師中水也蜀先主病篤詔諸葛亮囑以後事又勅後主曰汝與丞相從事
事之如父屈也公自具費書是師用既為益以其七畧即龐統字士元蜀先主大器之以為治中從事親侍亞於諸葛亮
遂與亮並為軍師中將即前之臨平三五董和字幼宰劉璋以為益州太守先主定蜀徵和為掌軍中郎
將與軍師將軍諸葛亮並署左將軍大司馬府事獻可替否為
共歡交本州亦多卷之二百

後主建興元年封諸葛亮武鄉侯開府治事頃之又領益州牧
政事無巨細咸決於亮惟蔣琬後主時為尚書令總統國事費禕為大將軍錄尚書事自
琬及禕雖自身在外慶賞威刑皆遙先詔斷然後乃行其推任
如此此吳孫策以虞翻為功曹策謂翻曰孤昔再至壽春見馬日磾及
與中州士大夫會語我東方人多才耳但恨學問不博語議之
間有所不及耳孤意猶謂末耳卿博學洽聞故前欲令卿一詣
許交見朝士以拆中國妄語兒卿不顧行使使子綱恐子綱不
能結兒輩舌也翻曰翻是明府家室而以示人人儻留之則去
明府良佐故前不行耳策笑曰然因曰孤有征討事未得還府

卿復以功曹為吾蕭何守會稽耳後三日便遣翻還郡
大帝初張統為會稽東部都尉時帝初承統春秋方富大夫人
以方外多難深懷憂勞數有優令辭謝付囑以輔助之義統輒
拜版荅謝思惟補察每有異事密計及章表書記與四方交結
嘗令統與張昭章劄撰作及帝討江夏以東部少事命統居守
遙領所職甘寧字興霸初歸吳周瑜魯蕭其薦達帝加異同於
舊臣寧乃陳計於帝宜先取黃祖西據楚關可漸窺巴蜀帝深
納之張昭時在坐難曰吳下業業若軍果行恐必致亂寧謂昭
曰國家以蕭何之任付君居守而憂亂矣以希慕古人乎帝
奔囑寧曰興霸今年行討如此酒矣決以付卿但嘗勉建方畧
令必克祖則卿之功何嫌張長史之言乎寧遂西果擒祖獲其
士衆遂授寧兵屯當口

薛綜亦烏中為太子少傅領選職綜以名儒居師傅之位仍兼
選本甚為優重

陸遜為荊州牧時劉備病亡子禪襲位諸葛亮秉政與大帝連
和時事所宜帝輒令遜語亮拜刻帝印以置遜所帝每與禪亮
書嘗過示遜輕重可否有所不安便令改定以印封行之遜嘗
陳便宜勸以施德緩刑寬賦息調云忠謹之言不能極陳求容
小臣數以利聞帝報曰夫法令之設欲以遏惡防邪儆戒未然
也焉得不有刑罰以威小人乎此為先令後誅不欲使有犯者
耳君以為大重者孤亦何利其然但不得已而為之耳今承來
意當重諮謀務求其可且近臣有盡規之諫親戚有補察之箴

所以規君王主明忠信也書載子違汝弼汝無面從孤豈不樂忠信言以自裨補耶而云不敢極陳何得為忠說哉若小人之忠有可納用者寧得以人廢言而不採擇乎假但諂媚取容雖闇亦有明識也至於廢調者徒以天下未定事以衆濟若徒守江夷修崇寬政兵自足用何用多為顧坐自守可陋耳若不豫調衆臨時未可使用也又孤與君分義特異榮戚實同來表云不敢隨衆容身苟免此實耳心所望於君也於是令有司盡寫科條使郎中褚遂賈以就遜其諸葛瑾意所不安令損益之是儀字子羽漢末依刘由避乱江東由軍敗儀從會稽大帝承攝大業徵儀到見親任專典机密拜騎都尉後破曹休入關省尚書事分總平諸官兼領辭訟又令教諸公子書學

朱桓為前將軍領青州牧因事托狂廢詣建業治病大帝使子異攝領曲令醫視護數月復遣還屯帝自出祖送謂曰今寇虜尚存王塗未一孤當與君共定天下欲令君督五萬人專當一面以圖進取想君疾未復發也桓曰天授陛下聖姿當君臨四海猥重任臣以除姦逆臣疾當自愈

呂範為征虜中郎將征江夏還平鄱陽孫策薨奔喪於吳大帝復征江夏範與張昭留守又為裨將軍領彭澤太守刘備詣京見帝範密請刘備後遷平南將軍屯柴桑帝討關羽過範館謂曰昔早從卿言無此勞也今當上取之卿為我守建業

宋高祖初謝景仁為高祖鎮軍司馬尋遷吏部尚書時從兄混為左僕射依制不得相臨高祖啓晉帝依僕射王彤之尚書王

卽前例不解職不長時高祖嘗言帝於許慎王流之尚書王
劉粹爲中軍諮議參軍盧循逼京邑京口任重高祖使粹奉文
帝鎮京城轉游擊將軍以今當上項之卿高祖嘗言
朱齡石爲左將軍高祖北代配以兵力守衛殿省劉穆之甚加
信伏內外諸事與謀焉
王鎮惡平長安高祖留第二子桂陽公義真爲安西將軍雍秦
二州刺史鎮惡以征虜將軍領西史司馬馮翊太守委以拒禦
之任
謝晦爲侍中轉領將軍散騎嘗侍依晉中平祐故事入直殿省
總統宿衛高祖不豫給班劍二十人與尚書令徐羨之中書令
傅亮鎮北將軍桓道濟並侍醫樂高祖晏駕領軍同被顧命輔

政
孟懷玉爲江州刺史督江州豫州之西陽新蔡汝南潁川司州
之松滋六郡諸軍事南中郎將刺史如故時荊州刺史司馬休
之居上流有異志故高祖授懷玉此任以防之
沈林子爲高祖參軍有功朝議欲授以一州八郡高祖器其才
智不使出也故出仕以來便管軍要自非戎車所指未嘗外典
焉後文帝出鎮荊州議以林子及謝晦爲左藩高祖曰吾不可
頃刻無二人林子行則晦不宜出乃以林子爲中郎晦爲中兵
文帝時沈璞爲揚州刺史始興王濬主簿時順陽范曄爲長史
行州事曄性頗踈帝詔璞謂曰王畿之政既不可不理濬以弱
年臨州萬物皆屬耳目賞罰得失時宜詳慎范曄性踈必多不

同卿腹心所寄當密以在意彼雖行其實委卿璞以任既過深
乃夙夜匪懈其有所懷輒以密啟每至施行必從中出曄正謂
聖明留察故深更恭慎而莫見其際也黃祖則曰
謝徵徵文帝即位為黃門侍郎與王華王曇首殷景仁劉湛等
號曰五臣遷尚書吏部即參預机密尋轉右衛將軍諸故吏臣
並弘徵選擬為出科
沈演之為右衛將軍范曄為左衛將軍二人對掌禁旅同參机
密演之又為吏部尚書兼太子右衛率雖未為宰相寄不異也
素有心氣疾病歷年文帝使卧疾治事大和
何尚之為尚書左僕射致仕於方山著退居賦以見志詔書敷
文帝又與江夏王義恭詔曰今朝賢無多且羊孟尚不得告謝

尚之任遇有殊便未宜申許耶義恭答曰尚書清志貞固歷事
唯允雖年在懸車而体猶克壯未相申許下情所同尚之復攝
職既還任事帝待之愈隆是時復遣軍北伐資給戎旅悉以安
之

王弘為侍中鎮江州時徐羨之等以廢殺之罪將見誅弘既非
百謀弟曇首又為文帝所親委事將發密使報弘羨之等誅徵
弘為侍中司徒揚州刺史錄尚書給班劍三十人帝西征謝晦
弘與驃騎彭城王義康居守入住中省書下引隊伏出入司徒
府權置叅軍論

殷景仁為侍中元嘉元年車駕征駕征謝晦司徒王弘入居中
書省景仁張直共掌留任晦平代到彥之為中鎮軍侍中

戴法吳為文帝征虜記室史補典籤帝即位法吳與典籤戴明
寶蔡閔累遷南臺侍御史兼中書通事舍人法吳等專管內務
權重當時轉給事中太子旅賁中即將孝武親覽朝政不任大
臣而腹心耳目不得無所委寄法吳頗知今古素見親待雖出
侍東宮而意任隆密魯郡巢尚之人士之秀元嘉中侍始吳王
濬讀書亦涉獵文史為帝所知孝建初補東海國侍郎仍兼中
書凡選授遷轉誅賞處分帝皆以法吳尚之參畫具精此職
徐爰為員外散騎侍郎文帝每出軍行師授兵畧王玄謨等北
伐配爰五十人隨軍向碣磔御中旨臨時宣示然法吳所以
沈慶之為太子步兵校尉北伐屢有謀議文帝謂之曰河上處
分皆合事宜惟恨不棄碣磔耳卿在左右久偏解我意正復違

詔濟事亦無嫌也

孝帝即位何偃遷侍中領驍騎將軍親遇隆密有加舊臣劉廷
孫孝武即位侍中累遷尚書右僕射大明中為鎮軍將軍南徐
州刺史先是高祖遣詔京口要地去都邑密邇自非宗室近戚
不得居之廷孫與帝室雖同是彭城人別屬呂縣氏居彭城縣
者又分為三里帝室居綏具里左將軍劉懷肅居安上里豫州
刺史劉懷武居叢亭里三里及呂縣凡四劉雖同出楚元王孫
來不序昭穆廷孫於帝本非同宗不應有此授時司空竟陵王
誕為徐州孝武深相畏忌不欲居京口遷之於廣達陵廣陵與
京口對岸欲使腹心為徐州據京口以訪誕故以南徐授廷孫
而與之合族使諸王序親

劉道隆為龍驤將軍孝武分麾下以為三幢道隆與中兵參軍
王謙之馬文恭各領其一大明中歷黃門侍郎徐青冀三州刺
史前廢帝景和中為右衛將軍委以腹心之任
顏峻為吏部尚書南郡王義宣滅質等反以峻兼領軍義宣質
諸子藏匿建康秩陵湖孰江寧縣界孝武大怒免丹陽尹褚湛
之官收四縣官長以峻為丹陽尹加散騎嘗侍
顏師伯為侍中親幸隆密群臣莫二遷吏部尚書右軍故如孝
武故不威柄在人親監庶務前後領選者唯奉行文書師伯專
情獨斷奏無不可其後孝武遺詔江夏王義恭解尚書令加中
書監柳元景領尚書令入住城內事無巨細悉關二公大事與
沈慶之參斷若有軍旅征討悉委慶之總統尚書中書事委師

伯外監所統委王玄謨

王玄謨為金紫光祿大夫領太嘗及建明堂以本官領起部尚
書又領北選典柳元景俱受孝武顧命以外監事委玄謨

明帝時沈攸之監豫州之西陽司州之義陽二郡軍事鎮號進
軍將軍秦豫元年與蔡興宗同預顧命進号西安將軍加散騎
嘗侍給鼓吹一部未拜會邑民李奉明反抗太守張澹蜀土騷
擾時荊州刺史建平王景素被徵新除荊州刺史蔡興宗未之
鎮乃遣攸之權行荊州事攸之既至會承明已平仍以攸之都
督荆襄益梁寧南北秦八州諸軍事鎮西將軍荊州刺史持節
嘗侍如故

王景文為鎮南將軍江州刺史徵為左僕射領吏部揚州刺史

加太子詹事屢辭內授明帝手詔譬之曰尚書左僕射卿已經此任東宮詹事用人雖美職次正可比中書令耳庶姓作揚州徐干木王休元殷銑並處之不辭卿清令才望何媿休元毗贊中具豈謝干木綢繆相與何後殷銑耶司徒以宰相不應帶神州遠遵先旨京口鄉基義重密迎畿內又不得不用驃騎陝西任要由來用宗室驃騎既去已陵理應居之中流雖曰閑地控帶二江通接荆郢經途之要繇來有重鎮如此則揚州既闕刺史卿若有辭更不知誰應處之此選大備與公卿疇懷非聊尔也

袁粲為尚書令典左僕射褚淵中領軍劉劭竝受明帝顧命加班劍三十人鼓吹一部

南齊張岱仕宋孝武時為驃騎長史領廣陵太守新安王子鸞以盛寵為南徐州剖吳郡屬焉高選佐史帝召岱謂之曰卿美効夙著兼資宦已多今欲用卿為子鸞佐總刺史之任無謂小屈終當大伸也

劉懷珍仕宋明帝時為已陵王景素征西右司馬寧朔將軍帝手詔懷珍曰卿性忠說吾所委賴在彼與年少共事不可深存受益景素乃佳但不能接物頗亦惰事卿每諫之懷珍奉旨寢疾又詔懷珍曰卿不應乃作景素佐才舊所寄今徵卿參二衛直後為太祖太宰參軍時虜圍泗口懷珍將兵數千破之拜建武將軍樂陵河間二郡太守賜爵廣晉縣侯明年懷珍啟求還孝武若曰邊為須才未宜陳請

李安民仕宋明帝時為寧朔將軍山陽太守三巴擾亂太守張
澹棄涪城走以安民假節度都督討蜀軍事輔師將軍五獠亂
漢中勅安民迴軍至魏興事寧還至夏口後廢帝元徽初除督
司州軍事司州刺史領義陽太守假節度將軍如故別勅安民
曰九江防邊備禦宜重今有此授以增鄂郢之勢無所致辭也
太祖時獮倂為太祖冠軍錄事參軍是時張永沈攸之敗後新
失淮北始宋朝遣太祖北伐不滿千人每歲秋冬間邊淮騷動
嘗恐虜至太祖廣遣偵候安集荒餘又營繕城府在兵中允見
疑於時太祖乃作塞客吟以喻其志侃達帝此旨更自勤勵委
以府事深見知待又沈昭略有剛氣昇明末為相國西曹太祖
賞之及即位謂王儉曰南士中有沈昭何職處之儉曰臣已有
擬奏轉前軍將軍帝不欲違可其奏尋遷為中書郎為桂武將
軍桂陽王作難詔復以侃為平南錄事領軍主從頓新亭使分
金錢賜諸將事寧除步兵較尉又為黃門郎領射聲較尉任以
心膂

垣崇祖為豫州刺史進號平西將軍太祖遣使入關參虜消息
還勅崇祖曰卿視吾是守江東而已耶所少者食卿但努力營
田自然平殄殘醜勅崇祖修治其陂田
江謐為左民尚書諸皇子出閣用文武主帥皆以委謐太祖尋
勅選曰江謐寒士誠當不得競等儕然甚有才幹堪為委用可
遷掌吏部謐才長刀筆所在事辦
劉懷慰為與帝善齊國建帝欲置齊邸於京邑議者以江右土

沃流民所歸乃治瓜步以懷慰為輔國將軍齊郡太守帝謂懷
慰曰齊邦是王業所基吾方以為顯任經理之事一以委卿又
手勅曰有文事者必有武備今賜卿玉環刀一口善明祿詔謂
劉善明為右衛將軍太祖踐祚以善明勲臣欲與善明祿詔謂
之曰淮南近畿國之形勝自非親賢不使居之卿為我卧治也
代明帝為征虜將軍淮南宣城二郡太守遣使拜授封新塗伯
邑五百戶

桓康為游擊將軍太祖謂康曰卿隨我日久未得方伯亦當未
解我意正欲與卿先共滅虜耳魏軍既動遣康行假節漢陽太
守驍騎將軍

陳顯達為護衛將軍建元二年元魏寇壽陽淮南江北百姓騷
動帝以顯達為吏部侍郎持節散騎嘗侍都督南充徐青冀袁
五州諸軍事平北將軍南充州刺史鎮之虜退帝勅顯達曰虜
經破散後當無復犯闕理但國家邊防自應過存備豫

宋元嘉二十七年後江夏王祚南充徙鎮盱眙沈司空亦以孝
武初鎮彼正當以淮上要於廣陵耳卿謂此前代處分云何今
愈議者云卿應據彼地吾未能決乃當以擾動文武為勞若是
公計不得憚之

柳世隆建元三年出為使持節督南充充徐青冀五州軍事安
北安將軍南充州刺史江北畏虜寇騷動不安太祖刺世隆曰
比有北信賊犹治兵在彭城年已垂盡或當未必送死然豺狼
不可以理推或為備不可懈彼郭既無閑要用宜開除使去金

城也此正佳耳發民治之無嫌若作三千人食者已有幾米可指牒付信還人間若有丁多而細口少者志令成之非疑也又勅曰昨夜得北使啓鍾離間賊已渡淮既深送死便當制加勦撲卿好參候之有急令諸小戍還鎮不可賊至不覓也賊既過淮不容迎退散要應處送死者定攻壽陽吾當遣授軍也又遣軍助世隆竝給軍糧虜退帝欲上斷江北又勅世隆曰呂安國近在西土斷郢二境上雜民殆無驚恐近又令垣豫州斷其州內商得崇祖啓事已行竟近無云殊稱前代舊意卿視究部中可行此事不若無所擾者便就手者也其見委如此

荀伯玉為輔國將軍武帝初在東宮用事不法任左右張景真多僭侈伯玉密啟太祖收景真殺之太祖嘉伯玉盡心愈見親

信軍國密事多委使之時人為之語曰十勅五令不如荀伯玉命太祖末年指玉謂武帝曰此人事我忠我身後人必為其作口過勿信也可令往東宮長侍

武帝時曹虎為廣陵太守帝勅虎曰廣陵須心腹非吾意可委者不可得處此任隨郡王子隆代邑巴東王子響為荊州備軍容西土以虎為輔國將軍鎮西司馬南平內史

王儉為左僕射領選太子少傅衛將軍丹陽尹武帝深委仗之士流選用奏無不可五年即本號開府儀同三司固讓六年重申前命先是詔儉三日一還朝尚書令史出外諮事帝以往來煩數復詔儉尚書下省十日出外計其年終亦不蕭謐為步兵較尉武帝齋內兵仗悉付之心齋密事皆使參掌

除正員外郎轉左中郎將後軍將軍太守如故武帝卧疾延昌
殿勅諶左右宿直鬱林卽位深委信諶每請急須出帝通夕不
寐諶還乃安諶卽三日一題諶尚書令文出必諶事帝以諶來
張欣秦累除尚書都官卽武帝與欣秦早經欵遇及卽位以為
直閣將軍領禁旅
蔡約為宜都王冠軍長史淮南太守行府州事武帝謂約曰今
用卿為近藩上佐想副我所期約曰南豫密運京師不治自理
臣亦何人燭火不息

樂藹為荊州刺史豫章王疑主簿後為大司馬中兵叅軍轉署
記室永明八年荊州刺史巴東王子響稱兵反既罷焚燒府舍
官曹文書一時蕩盡武帝引見藹問以西事藹上對詳敏帝悅

馬用為荊州治中勅付以修復府州事藹還州繕修廨署數百
區減軍而役不及民荆郢以為自晉王悅移鎮以來府舍未之
有也

崔文仲為徐州刺史時淮北義民桓嘉魄於抱犢固與虜戰大
破之文仲馳啓帝勅曰此間起義者衆深恐良會不再至卿善
獎沛中人若能一時攘袖尚遣一佳將直入也

明帝永泰元年遣詔曰徐者嗣可重申入命中書監本官恣如
故沈文季可佐僕射嘗侍護軍如故江祐可右僕射江祀可侍
中刘暄可衛尉卿軍政大事委陳太尉内外衆事無大小委徐
孝嗣遙先垣之江祐其大事與沈文季江祀刘暄叅懷心膂之
任可委刘俊蕭惠休崔惠景

沈文季為護軍將軍王敬則反詔文季領兵屯湖頭備京路隆昌元年復為領軍侍中如故後豫廢鬱林明帝欲以文帝為江州遣左右單景雋宣旨文季口自陳讓稱年老不願外出因問右執法有人未景雋還且言之延興元年遷尚書右僕射後同受顧命因褚淵轉吏部尚書建安王休仁南討義嘉賊屯鶴尾遣淵詣軍選將帥以下勲階得自專決又朝廷机事多與諮謀每見從納禮遇甚重淵後為吳郡太守明帝寢疾危殆馳使召之欲託後事及至召入帝坐帳中流涕曰吾疾篤故曰召卿欲使著黃羅襪耳指牀頭大亟曰文書皆亟內冀此亟得不復開淵亦悲不自勝黃羅襪乳母服也帝云小間猶懷身後慮建安王休仁人才美貌物情宗向帝與淵謀誅之淵以為不可帝怒

曰卿癡不足與議事彥回懼而奉旨復為吏部尚書

梁高祖時韋叡初歸初高祖大軍弔謀留守將帝准其人久之顧叡曰棄騏驎而不乘馬違三而更索即日以為冠軍將軍江夏太守行弔府事

柳慶遠為侍中高祖初平建業城內嘗夜火禁中驚懼高祖時居宮中悉歛諸鑰問柝侍中何在慶遠至悉付之其見任如此周捨為尚書令吏部郎太子右軍將軍雖居職屢從而嘗直內罕得休暇國史詔誥儀牀法律軍旅謀謨皆掌之日夜侍上預机密二十年未嘗離左右

臧厥為散騎嘗侍中書通事舍人兼司農卿卒官厥前後居職所掌之局大事及南臺廷尉所不能決者勅竝付決厥辯斷精

詳咸得其理厥卒後有槌登聞鼓訴者求付清直舍人高祖曰
滅厥既亡此事便無可付其見知如此
蕭介為武陵王府長史高祖謂何敬容曰蕭介甚貧可處以一
郡敬容未對高祖曰始興郡類無良守鎮民頗不安可以介為
之繇是出為始興太守介至任宣布威德境內肅清
羊侃大通三年自魏歸梁隨大尉元法僧北討高祖乃召侃問
方略具陳進取之計侃曰臣拔跡還朝嘗思効命然寔未曾願
與法僧同行北人雖謂臣為吳南人已呼臣為虜今法僧同行
還是群貊相逐非止有乖素心正欲使匈奴輕漢高祖曰朝廷
今日須要卿行乃詔以為大軍司高祖謂侃曰軍司廢來已久
故為卿置之

賀琛每進見高祖與語嘗移晷刻故省中語曰上殿不下有賀
琛容止閑雅故時人呼之散騎嘗侍祭禮儀如故

郭祖深普通中為南津較尉加雲騎將軍秩二千石使募部曲
三千及南州公嚴清刻由來王僕勢家出入南津不忌憲網挾
藏亡命祖深搜簡姦惡不避強禦動致刑辟奏江州刺史卽陵
王太子詹事周拾贓罪遠近側足莫敢縱恣淮南太守畏之如
上府

孔休源為紫金光祿大夫監揚州每車駕巡幸嘗以軍國事委
之昭明太子薨有勅夜召休源入宴居殿與羣公參定謀議立
晉安王綱為皇太子

元帝時徐文盛為仁威將軍秦州刺史授以東討之畧於是文

威督衆軍東下至武昌遇侯景將士任約遂與相持久之帝又命護軍將軍尹悅平東將軍杜幼安巴州刺史王珣等會之竝受文盛節度擊任約於貝磯約大敗退保西陽劉璠為徐州刺史蕭循記室叅軍後為華陽太守屬侯景度江梁室大亂循以璠有才略甚親委之時寇難繁與未有所定璠乃喟然賦詩以見志其末章曰隨會平王室夷吾成霸功虛薄無所用徒然慕昔風循開府置佐史以璠為諮議叅軍仍領記室元帝承制授冠軍將軍鎮西府諮議叅軍賜書曰鄧禹文學尚或執戈葛洪書生且云破賊前修無遠屬望良深顏晃初為邵陵王記室侯景之亂西奔荊州承聖初除中書侍郎杜龕為吳興太守專好勇力其所部多輕險少年元帝患之乃使晃管其書翰仍勅龕曰卿年時尚少習讀未曉顏晃文學之士使相毗佐造次之間必宜咨稟及龕誅晃歸帝以書記親遇甚篤陳高祖時章昭達為定州刺史是時留異擁兵據東陽私署守宰高祖患之乃使昭達為長山縣令居其心腹嘗不辭苦百口沈礼明為通直散騎嘗侍初高祖嘗稱礼明宜居王佐軍國大政多預謀謨周宝安為吳興太守父文育為熊曇即所害微安還起為猛烈將軍領其舊兵仍令南討文帝即位深器重之寄以心膂精卒利兵多配焉文帝時華皎為左軍時王琳東下皎隨侯瑱拒之琳平鎮溢城知江州事時南州守宰多鄉里酋豪不遵朝憲帝令皎以法馭

王琳奔散將卒多附於皎。琳里首素不與陳武帝令知以爲。韓子高天喜元年爲右軍王琳至于柵口子高宿臺內及琳于子高所統益多將士依之者子高盡力論進文帝皆任焉。

趙知禮爲定州刺史知禮沉靜有謀謨每軍國大事文帝輒令璽書問之。只大也又言高熱景昭世言始安聖時出。

陸繕爲左僕射領揚州大中正別賜勅令與徐陵等七人參議政事。只大也又言高熱景昭世言始安聖時出。

孔奐爲御史中丞深達治体達每所敷奏帝未嘗不稱善百司滯事皆付奐決之天嘉四年重除御史中丞尋爲五兵尚書嘗侍中正如故時文帝不豫臺閣衆事竝令僕射到仲學共奐決之。言餘口也。只大也又言高熱景昭世言始安聖時出。

吳明徹選鎮東將軍吳興太守及辭之即文帝謂明徹曰吳興郡惟以帝鄉之重故以相授君其勉之。言餘口也。只大也又言高熱景昭世言始安聖時出。

到仲奔爲左僕射時文帝積年寢疾不親御萬机尚書中事皆仲舉斷決。言餘口也。只大也又言高熱景昭世言始安聖時出。

陸瓊爲殿中郎素有令名深爲帝所賞及討周迪陳宝應等都官符及諸大手筆竝中勅付瓊至德元年除度支尚書參選事掌詔誥竝判廷尉建康三樹事遷吏部尚書著作如故瓊詳練譜牒有雅鑒先是吏部尚書宗鏡卒右僕射袁憲舉瓊宣帝未之用也至是居之號爲稱職後主甚委任焉。言餘口也。只大也又言高熱景昭世言始安聖時出。

宣帝時孫陽爲通直散騎嘗侍帝即以陽功名素著深委任焉。言餘口也。只大也又言高熱景昭世言始安聖時出。

袁憲爲右僕射宣帝不豫憲與吏部尚書毛喜俱受顧命始與。言餘口也。只大也又言高熱景昭世言始安聖時出。

王叔陵之肆逆也。憲指麾部分，預有力焉。後主被瘡病篤，謂憲曰：「我兒尚幼，後事委卿。」憲曰：「群情喁喁，冀聖躬康復，後事之旨未敢奉詔。以功封建安縣伯，邑四百戶，領太子中庶子，餘竝如故。」
後主時，蔡徵為中書舍人，掌詔。尋授左氏尚書，與僕射江總知撰五禮事。尋加寧遠將軍，帝器其才幹，任寄日重。遷吏部尚書。安石將軍，每十日一住東宮，於太子前論述古今得喪。及當時政務，又勅以廷尉寺獄事，無大小取徵議決。俄有勅遣徵收募兵士，自為部曲。徵善撫卹，得物情旬月之間，衆近十萬。中書省北齊高祖時，高乾初解官歸鄉里，後聞爾朱榮死，乾馳赴雒陽。莊帝見之，大喜。時爾朱黨擁兵在外，莊帝以乾為金紫光祿大夫。河北大使令招集鄉閭為表裏形援，乾垂涕奉詔，弟昂援劍起舞，請以死自効。

封隆之，魏平，吳初拜左光祿大夫，吏部尚書。爾朱榮等軍於廣阿，高祖與戰，大破之，乃遣隆之持節為北道大使。高祖將擊爾朱榮等於韓陵，留隆之鎮鄴城。爾朱兆等走，以隆之行冀州事，仍領降俘三萬餘人，分置諸州。

杜弼初坐事左遷，灌下鎮司馬。魏元象初，高祖徵弼為大丞相，府法曹行參軍，署記室事。轉大行臺郎中，尋召鎮南將軍高祖，又引弼典掌机密，甚是信待。或有造次不及書教，直付空紙，即會宣讀。

趙起性沉謹，有幹。高祖建義旗，以段榮為定州刺史，起為曲畿。

除奉車都天平中徵為相府騎曹累加中散大夫以文襄嗣事
出為建州刺史累遷侍中起於高祖世頻為相府騎兵二局典
知兵馬十有餘年至顯即祚之後起罷州還闕雖歷位九卿侍
中嘗以本官監兵馬出內驅使居心腹之寄

崔暹以趙郡公琛鎮定州辟為開府諮議隨琛往晉陽高與語
悅之兼丞相長史高祖率兵將入雒留暹佐琛知後事謂之曰
丈夫相知豈在新舊軍戎之事留守任之家弟年少未閑事宜
凡百事一以相屬握手殷勤至於三四

慕容紹宗為高祖所恩禮遷都鄴庶事未周乃令詔宗與高隆
之共知府軍圖籍誌事

朱愨初擁衆數千人赴高祖除湘州刺史令愨率本衆西還舊
鎮高祖親送愨愨至鄉據馬鞍山依險為壘徵糧集兵以為聲
勢爾朱兆出井陘高祖破兆於廣阿愨統其本衆屯故城以備
爾朱兆相州既平命愨還鄴除西南道行臺都官尚書留守故
城爾朱兆等將至高祖徵愨叅守鄴城

盧勇初起晉陽高祖署為丞相主簿屬山西霜儉運山東祖輸
皆令載寔違者治罪令勇典其鄉郡公主虛儼千餘軍勇繩劾
之公主訐於高祖而勇守法不屈高祖謂郭秀曰虜勇慄有
不可犯之色真公人也方當委之大事豈直納祖而已後為揚
州刺史鎮宜陽叛民韓木蘭陳州等嘗為邊患勇啓求入朝高
賜勇書曰吾委卿揚州唯安枕高卧賜勇書曰吾委卿揚州王
安枕高卧無西南之慮矣但依朝廷所委表啓宜事

任在州任當使漢兒之中無在卿前者

陳元康為開府司馬加輔國將軍所歷皆為稱職高祖聞之微
焉稍被任使以為相府功曹叅軍掌內机密高祖經綸大業軍
務煩廣元康承受意旨甚濟急速性又柔謹通解世事文襄八
輔京室崔暹崔季舒崔昂等竝被任使張亮張徽纂竝高祖所
待遇然季任皆出元康之下時人語曰三崔二張不如一康季
雅廉高祖幸代州為開府長史平北將軍稚廉緝諧將士軍民
樂悅高祖幸河東大相嗟賞轉為文襄驃騎府長史諮以濟州
控帶川陸接對梁使尤須得人文襄薦之除濟州儀同長史
張纂為高祖行臺右丞事高祖二十餘歲傳道教令甚見親賞
文襄帝時崔讓字伯謙為瀛州別駕帝以為京畿司馬帝將之

晉陽謂讓曰卿驍足瀛部已著康歌督府務殷是用相授別駕
又馬上曰執子之手與子偕老卿宜深體此情

唐邕為尚書令封晉昌王錄尚書事既在被遇意氣漸高其未
經府寺陳訴起覽詞牒條數甚多俱為憲臺及左丞彈糾竝御
注放免

李繪字敬文為高陽內史時文襄嗣業晉代山東諸郡其特降
書徵者唯繪與清河太守辛術二人而已至補大將軍從事中
郎遷司馬文襄以前司徒侯景進賢冠賜繪曰卿但真心事孤
當用卿為三公莫學侯景叛也及文宣嗣事仍為丞相

尉瑾為中書舍人文襄入朝因命瑾在鄴北宮共為德政六機
密孝昭輔政累遷吏部尚書武成踐祚趙彥深壬

文選和士開竝帝鄉故舊共相達任遇彌重又
事多秘密繇是朝之机事頗亦預聞尋兼右僕射
盧潛文襄時引為大將軍西閣祭酒轉中外府中參軍机事強
濟為文襄所知言其終可大用王思政見獲於潁川文襄重其
才識潛會從容白文襄云思政不能死何足又重文襄謂左右
曰我有盧潛便是更得王思政

封子繪為大行臺吏部郎中後文襄以子繪為渤海太守令馳
驛赴任文襄親執其手曰誠知此群未久勲望但時事未安須
卿鎮撫但衣錦晝游古人所貴善加經略綏靜海陽不勞夸習
太守向州泰也仍聽收集部曲一千人未幾進秩一等加驃騎
將軍後為都官尚書時高歸彥叛逆召子繪入見昭陽殿帝親

詔子繪曰冀州密邇京甸歸彥敢肆凶悖已勅大司馬平原王
段孝先總勒重兵不機電發司空東安王婁叡督率諸軍結紼
繼進卿世載名德恩覃彼州故遣叅贊軍事隨便尉撫宜善加
謀謨以稱所寄即以其日馳傳赴軍子繪祖父世為本州百姓
素所歸附既至巡城諭以禍福民吏降款日夜相繼賊中動靜
小大必知賊平仍勅子繪權行州事

文宣帝時魏牧為散騎嘗侍文宣如晉陽令與黃門郎崔季舒
高德政吏部郎中殿瑾於北第掌機密

崔昂文宣帝時累遷僕射昂有風調才識舊立監正剛直之名
然好探揣上意感激時主或列陰私罪失深
言獎護人莫之能毀儀曹律
畿密

之

崔劼為給事黃門侍郎直入內省典机密清所知

趙彥深封安國縣伯文宣嗣位仍典机密進爵為侯天保中累遷秘書監以為忠謹每郊廟必兼太僕執御陪乘轉大司農帝或巡幸即補贊太子知後事

辛術為南東道行臺中書鎮下邳東徐州刺史郭志殺即守文宣聞之勅術自令所統十餘州地諸有犯法者刺史先啓听報以下先斷後表潤齊代行台兼總人事自術始也

孝昭帝為嘗山王時王晞為王友及即位詔晞與尚書楊休之鴻胥卿崔劼等三人每日本職務罷竝入東廊共奉录歷代廢

禮墜樂職司廢置朝饗異同輿服增損或道德高馬久在沈淪或竊言眩俗妖和害政爰及田市舟車徵稅通塞婚贊儀軌賤齊衰有不便於時而古今行用不已者或自古利用而當今毀棄者悉令詳思以漸條奏未得須備遇憶統聞朝脯給典御食畢景聽還

武成帝時王峻徵拜祠部尚書詔詣晉陽簡較兵馬俄而還勅轉太僕卿及車駕巡幸嘗與吏部尚書尉瑾輔皇太子諸親王同知後事仍賜食梁即轉遷侍中除都官尚書及周師寇邊詔峻以本官與東安王婁叡武昌王晉等自鄴率眾赴河陽禦之車駕幸雒陽以懸瓠為周人所據復詔為南

軍南討未至周師棄城走了

新刊監本冊府元龜卷之二百



